

摘藻堂四庫全書薈要

經部

欽定四庫全書薈要

經部

易傳纂言卷二



詳校官祭酒
臣
韋謙恒

欽定四庫全書薈要卷三百四十九

經部

易傳纂言卷一

元 吳 澄 撰

彖上傳

彖者文王所繫六十四卦之辭彖傳者夫子為釋文王之彖辭而作也經有上



下二篇故傳亦依經而分上下陸氏云彖斷也以斷一卦之吉凶者彖字書彖即豕字從互從豕互豕頭象其上銳之形蓋野豕也其頭最有力而銳善斷物故假借為決斷之義音與豕同又音羊至切因假借其義又假借其音為通貫切

大哉乾元萬物資始乃統天

此釋彖辭元字凡易中言大者皆謂陽乾以剛健為

元故稱大資取也始謂本其氣統猶總也元為天德之總名天之德統於元猶人之德統於仁也

雲行

雨施品物流形

此釋彖辭亨字雲行於天雨施於地則各品之物生者皆長形由短而倏至於

修如水之流由此而倏至於彼也故曰流形乾有元德能致品物之亨是謂元亨元亨者元之亨也乾道

變化各正性命保合大和乃利貞

此釋彖辭利貞變者化之漸化者變之成

乾道以漸變物而至於化長者成實則一實之中各具一性命正者全而无偏也以天所賦則謂之命以物所受則謂之性而物所受即天所賦者也故曰性命保如保城之保猶言完也合如合衆之合猶言聚也所受所賦之性命完聚於一實中藏天德之大略元亨利貞故曰大和各正謂貞大和謂利先言貞後言利者言天道之貞无所不利乃所謂利首出庶物萬國咸寧

上文言天道之元亨

此言聖人之元亨也聖人之德如人之首獨高而出乎庶物之上所謂元也有此元德故能致萬國咸寧之治

所謂亨也

大明終始六位時成時乘六龍以御天

上文言天道之利貞

此言聖人之利貞也大明日也聖人之隨時應務如大明之照今日既終明日又始因其潛躍見飛惕亢之時處之曲當各无虧欠所謂貞也隨六者之時而乘此龍德以當天運與時宜之所謂利也

傳一之一凡五十七字大明至御天十五字舊本錯簡在品物流形之下今正之施申志

切長知兩切見飛賢遍切

至哉坤元萬物資生乃順承天

此釋彖辭元字程子曰乾稱大故坤稱至至義

差緩不若大之盛也澄謂乾以陽為元故稱大坤以陰為元故不得稱大也至極也始者氣之始生者形之始天地一元而以萬物之形皆生於地原其氣之所始則出於乾坤所生之物即乾所始之物同此一元乾既始

之則坤以順上承天之施而生之爾

坤厚載物德合无疆含弘光大品物

咸亨

此釋彖辭亨字坤體之厚能載萬物其德合於乾之无疆謂配乾元也弘亦大也靜翕之時含藏天

氣於地中者甚弘動闢之時萬物生出光輝發見於地上者甚大而諸品之嘉美咸會也坤德配乾元其能致品物之咸亨者雖乾之功亦坤之功也乾坤非有二元亨也

牝馬地類行地无疆柔

順利貞君子攸行

此釋彖辭利牝馬之貞而并釋君子有攸往一句馬陽物也牝則屬陰而

與地同類故取牝馬為象其行於地而能无疆足以配乾之健也坤柔之順乎乾剛如牝馬之順乎牡馬則利於正主事君子之有所先迷失道後順得常西南得朋往者其行亦當如是也

乃與類行東北喪朋乃終有慶

言君子所行先則迷而失其道後則順而得其

常得常謂得主也蓋陰柔不宜倡而宜隨也西南方之
得朋者謂三四相比近也然不過與其同類之陰同行
而已東北方之喪朋者謂初上相隔遠也然散去陰朋
而往從陽則終必有慶也蓋陰朋不宜合而宜離也
安貞之吉應地无疆安象地之屹然不動安而貞則吉者謂其能如地道之无疆也
者謂終古常安靜也程子曰三无疆蓋不同德合无疆
天之不已也應地无疆地之无窮也行地无疆馬之健
也行也

傳一之二凡七十六字註之施申志切發
見賢遍切比近皮二切後凡不音者並同

屯剛柔始交而難生動乎險中

以卦體卦德釋卦名朱子曰始交謂震難生謂

坎程子曰動於險中艱屯之義

大亨貞雷雨之動滿盈

以下釋彖辭大釋元大者謂陽

屯之元以九五之陽為卦主也乾坤之外有元亨利貞者五卦屯隨臨无妄革也有元亨者四卦大有蠱升鼎也屯随无妄革之五臨升之二以陽為元彖傳皆釋為大大有鼎之五蠱之初以陰為元則不釋為大止謂之元亨利貞程子以為大不足以盡元義元亨重於大亨非也乾元稱大者陽也坤元者陰則不稱大矣屯之時元亨也解其屯而後亨雷雨以卦之二象言動謂震雷滿盈謂坎雨雲上雷下鬱結而未成雨所以為屯若震坎二象上下互易變屯為解則雷動乎上雨降而滿盈乎下屯之鬱結者解而未亨者亨矣卦主九五雖陽剛中正然爻辭屯其膏之象何有元亨大貞凶之占何有於利貞彖辭之元亨利貞必變易雲雷之屯轉為雷雨之解乃是陽元之大能致亨而利於正主事也程子曰所謂大亨貞者雷雨之動滿盈也艱屯未能通暢及其和洽則成雷雨生物乃遂亨之道也

天造草昧宜建侯而不寧

天造草昧釋勿用有攸往

天造謂天地肇造之初草昧謂人與禽獸雜處於草莽
茫昧之中屯難之時一如鴻荒草昧之世不可以有往
也宜建侯而不寧釋利建侯宜利也方時之屯无所統
屬則亂宜立君以治之故一陽自外而入居於內以君
其民也蔡氏曰不寧不安也言當急也朱子曰未可遽
謂安寧也丘氏富國曰章首先釋卦名次釋卦辭又卦
義有未盡者從而推廣之此彖傳定例也雜取卦體卦
象卦德卦變四者卦體以兩體及六爻之義言如震剛
柔始交而難生之類卦象以天地雷風山澤水火言如
雷雨之動滿盈之類卦德以健順明險動入止說言如
動乎險中之類卦變以剛柔往來上下言如柔來文
剛分剛上文柔之類自屯以下大要皆不越此

傳一之三凡三十一字難生乃旦切
註傳直戀切後不音者竝同解音蟹

蒙山下有險險而止蒙

以卦象卦德釋卦名艮山之下
有坎水之險地之蒙也內險不

可處外止莫能進人之蒙也

蒙亨以亨行時中也

以下釋彖辭蒙不亨也九二為蒙之

主其才可以致亨也以險而止蒙未亨之時也以亨而行蒙既亨之時也所以致此者以九二當其時而得中也

也 匪我求童蒙童蒙求我志應也

程子曰二以剛明之賢處下五以童

蒙居上非是二求於五蓋五之志應於二也

初筮告以剛中也再三瀆瀆則

不告瀆蒙也

初筮得此卦則許其來學而告之告之者以剛中之道開發其蒙也若再筮三筮始

得此卦則當不吝所求儻或告之則不但我之問筮者為瀆神而我之告童蒙者亦為瀆蒙矣

蒙以養

正聖功也

釋利貞而廣其義彖辭為占者言謂占者利於正主事也凡他卦之利貞其義皆然彖傳

則為童蒙言謂童蒙未有所為无正主之事利貞者利於養其良知良能之正此乃作聖之功也然童蒙所養

之正即他日長而主事之正夫子雖是推廣文王之辭而亦非有二義也

傳一之四凡五十三字註爲占為童云偽切長而知兩切

需須也險在前也剛健而不陷其義不因窮矣

釋卦名以卦德

程子曰險在前未可遽進故需待剛健之人其動必躁以乾之剛健而能需待不陷於險處之至善者也故夫子贊之云其義不因窮矣需有孚光亨貞吉位乎天位以正中也

以下

釋彖辭需待之時有孚應者光顯而亨正主事而吉蓋以九五位乎天位之尊而得正又得中也朱子曰正中與中正同倒其辭以協韻爾利涉大川往有功也

需自大壯而變四往居五而成舟象

五在舟之前往進以出乎險故曰有功

傳一之五凡
四十一字

訟上剛下險險而健訟

以卦德釋卦名程子曰乾上坎下上剛下險剛險相接能无訟

乎又人內險外剛險而又健是以訟也晁氏曰上以剛陵下下不險則未必訟下以險陷上上不剛則未必訟外健而內不險未必生訟內險而外不健未必能訟訟有孚窒惕中吉剛來而得

中也

以下釋彖辭此以卦變言占之如此者以九二之剛自三來二而得下卦之中也惟剛實故能致人

之孚又為窒塞惟在中故能惕終凶訟不可成也

程子曰成

謂窮盡其事也利見大人尚中正也

以卦體言尚上也中正不

利涉大川入于淵也

以卦變言淵謂初也初地下之位故曰淵乾九四爻辭在淵亦謂初

也九二自三降二若舟行退
後又自二降初是入于淵也

傳一之六凡

四十六字

師衆也貞正也能以衆正可以王矣

以卦體釋卦名及彖辭貞大人之義

以猶言用也朱子曰以謂能左右之一陽在下卦之中而五陰皆為所以也澄謂能以其衆而正主事者湯武之師是也故曰可以王矣王謂九二剛中之大人崔剛氏憬曰域中有四大而王居其一為王者必大人也剛

中而應行險而順以此毒天下而民從之吉又何咎矣

以卦體卦德釋吉无咎之義朱子曰剛中謂九二應謂六五應之行險謂行危道順謂順人心毒害也師旅之興不无害於天下然以其有是才德是以民說而從之也澄案毒天下謂內坎民從之謂外坤

傳一之七凡三十六
字註左右之竝去聲

比吉比輔也下順從也

以卦體釋卦名及彖辭吉之義
比輔釋卦名比字下順從釋吉

字比輔謂如車輔之比近而輔於輻
下謂初二三四之民順從者坤德也

原筮元永貞无咎

以剛中也

再筮之占元永貞而无咎者以九五之剛
而得中也程子曰所謂元永貞如五是也

不

寧方來上下應也

不寧謂上六比之時下四陰皆順從
九五唯一陰居比之終如萬國朝

禹而防風獨後今此方且來從則下四
陰應而上一陰亦應故曰上下應也

後夫凶其道窮

也

女再嫁而從後夫男娶之而為後夫
夫婦之常道至此窮矣所以凶也

傳一之八凡三十五字比吉下舊本有也字
王昭素云多也字比皮二切註朝禹音潮

小畜柔得位而上下應之曰小畜

以卦體釋卦名柔得位謂六居四上下謂

五陽五陽皆應之而一陰得以藏畜於其間也健而巽剛中而志行乃亨

以卦德卦

體釋彖辭之占以一卦言則內剛健以立心外柔巽以應事以二爻言則九五剛得中六四與之合而志得行

所以能致亨也密雲不雨尚往也自我西郊施未行也

雲氣上往故雨

不下來西郊者陰陰非能施者故施未行

傳一之九凡三十

八字施申志切

履柔履剛也

以卦變釋卦名

說而應乎乾是以履虎尾不啞人

以卦德兼卦體釋彖辭之象莊子云虎與人異類而媚養已者順也其殺者逆也六三成卦之主為履虎尾之

人柔居說體能和說以馴順乎虎者也上乾為虎之首而剛猛六三應乾之上九是能應虎之所求上畫實有以實其口也既能和悅以順之又何以應其求而養之能如是虎亦媚之矣所以雖踐其尾而不遭其噬也

亨剛中正履帝位而不疚光明也

又以卦體釋彖辭之占言占之亨者以九

五之剛中正履帝位而不疚且光明也剛而得中得正其德之不疚病也尊居帝位而臨下其位之光明顯著也不疚光明所謂亨也

傳一之十凡三十一字說

音曰啞徒結切疚居又切

泰小往大來吉亨

總提卦名與彖辭

則是天地交而萬物通也

上下交而其志同也

釋卦名通謂勾萌畢達生出地上上謂君下謂臣民內陽而

外陰內健而外順內君子而外小人

釋小往大來

君子道長

小人道消也

釋吉亨也

傳一之十一凡五十一字長知兩切註勾居侯切

否不利君子貞大往小來

總提卦名與彖辭

則是天地不交而

萬物不通也上下不交而天下无邦也

釋卦名春天地之氣交則萬物

發達而生秋天地之氣不交則萬物天闕而死先王建邦以分治天下之民君之心下逮於民民之情上通於君則天下治而為泰若君心不下逮民情不上通是上下隔絕不交天下雖有邦與无邦同矣所以為否也

內陰而外陽內柔而外剛內小人而外君子

釋大往小來

人道長君子道消也

釋不利
君子貞

傳一之十二凡五十八字否下舊本有之匪
人三字因經文衍而誤增也長知兩切註天

因了切闕
因葛切

同人柔得位得中而應乎乾曰同人

以卦體釋卦名柔
謂六二乾謂九五

同人于野亨利涉大川乾行也

以下釋彖辭承上文應
乎乾而言所以致亨而

利涉大川者由乾之剛健而行也柔雖得
位得中然非應乎乾則不能有此亨利也

文明以健中

正而應君子正也唯君子為能通天下之志

以卦德卦
體釋利君

子貞內文明則察於理外剛健則勇於義中正則內无
私心應乾則外合天德此皆君子之正道也天下之志

不一也唯君子得大同之正道故能至公无私視人由已通達天下衆人之志而為一利君子之正主事者以此

傳一之十三凡四十八字曰同人下舊本有同人曰三字胡氏程子皆謂衍字

大有柔得尊位大中而上下應之曰大有

以卦體釋卦名柔謂六五

尊位謂五五陽位居上卦之中故曰大中上下謂上卦二陽下卦三陽一柔而得五陽之應是陽之多也故曰

大其德剛健而文明應乎天而時行是以元亨

以卦德卦體釋

彖辭應乎天謂六五應九二時行謂柔不當居尊然其時適行而至此則當其可也夫有剛健文明之德又順乎天理行之所至當其可如是可謂善之長矣宜其能致嘉之會也

傳一之十四凡三十
三字註長知兩切

謙亨天道下濟而光明地道卑而上行

以卦體釋卦名及彖辭亨之義

天道下濟而光明謂艮在下卦濟猶既濟未濟之濟艮之下畫中畫即坤之下畫中畫也以乾之上畫交坤成艮陽下濟陰天光下臨故艮有光明之象地道卑而上行謂坤在上卦坤在下至卑也而其氣能上行以與天氣交下濟與卑釋謙字光明上行釋亨字惟其謙所以亨也

天道虧盈而益謙地道

變盈而流謙鬼神害盈而福謙人道惡盈而好謙謙尊

而光卑而不可踰君子之終也

又廣言謙理以釋君子有終虧益以消長進退

之氣言變流以高下四凸之形言害福以殃慶休咎之應言惡好以從違向背之情言朱子曰變謂傾壞流謂

聚而歸之澄謂謙者尊崇他人以居已上而已亦光顯卑抑自己以居人下而人亦不可踰越之此君子之所終也有

傳一之十五凡五十七字惡好並去聲註長知兩切凹於交切凸徒結切背音佩

豫剛應而志行順以動豫

以卦體卦德釋卦名一剛為主上下衆柔應之而剛之志

得行順序以動動不後時事皆如意所以暇而樂也

豫順以動故天地如之而況

建侯行師乎

以卦德釋彖辭豫卦之義順序以動而已雖天地之運亦如此也而況建侯行師之

乎天地以順動故日月不過而四時不忒聖人以順動

則刑罰清而民服

廣豫義天地之順序而動豫也故日月之行不少過差而四時之不忒由

此聖人之順序而動豫也故刑罰清明无不允當而民心之咸服由此

豫之時義大矣哉

時義言豫時之義理項氏曰豫隨遯姤旅皆若淺事而有深意曰時義大矣哉欲人之思之也險睽蹇皆非美事聖人有時而用之曰時用大矣哉欲人之別之也頤大過解革皆大事大變也曰時大矣哉欲人之謹之也澄謂夫子於彖傳特言十二卦之時專言時者四益聖人之博施兼養賢才之極盛過多此古今至治之世解除大難變革大命此古今非常之事孰有如此時之大者非大德大才不能當其會也故曰時大矣哉言時義者五益豫說隨從君子方遯而必消小人初遇而必盛與夫羈旅於外非時之大也而處之必適其宜所以處斯時之義則大故曰時義大矣哉言時用者三益險非可恃睽蹇非人之所願然亦有時而用之非常用者也於斯時而用則為大如莊子所謂雞墮豕零之時為帝故曰時用大矣哉專言時者重在時字時義重在義字

時用重在用字或乃以時義為時與義時用為時與用失之矣唯項氏謹之思之別之之說得其意

傳一之十六凡六十字註樂音洛別彼列切施申志切夫音扶壅音雍

隨剛來而下柔動而說隨

以卦變卦德釋卦名一剛自上來初下於二柔而柔隨之

震男動乎內而兌女說乎外以隨之也

大亨貞无咎而天下隨之

釋彖辭陽剛之

元德能致亨而貞則无咎而天下皆從之也

隨之時義大矣哉

為人之隨者以已從人而

已宜若小然於斯時也而思其義之大則不以隨為小事而輕且苟矣

傳一之十七凡二十七字天下隨之舊本作時隨之時義舊本作隨時之義朱子依王

肅本說

音曰

蠱剛上而柔下巽而止蠱

以卦變卦德釋卦名剛上則有為者退柔下則无能者進

巽懦而止則无能而又

不為也卦之成蠱以此 蠱元亨而天下治也

以下釋彖辭有元德

能致亨而天下之蠱治矣

利涉大川往有事也

蠱之時當勇往有所事以濟險難若巽懦

而止則終於蠱而已矣

先甲三日後甲三日終則有始天行也

又有

通數日以甲者以其為十日之始也先乎甲之三日者辛也由辛而壬癸則十日終終則又始於甲歷乙而至丙丁則又為後乎甲之三日矣終始者天行之循環也治蠱者亦當先甲辛後甲丁如天之行也

傳一之十八凡四十一字註險難乃旦切數日色主切

臨剛浸而長

釋卦名臨者上之親近乎下也剛浸而長以上與下親而下漸親附也上柔順之心

臨在下之剛在下之剛浸長則
在上者愈相親近臨之義也

說而順剛中而應大亨

以正天之道也

以下釋彖辭以卦德卦體言剛以說進而柔在上順之九二剛中而六五在上

應之此陽剛之大所以能致亨
而正主事者合乎天之道也

至于八月有凶消不久

也

為臨卦二陽長而消二陰然自一陽生之月歷八月則為遯卦二陰長而消二陽矣今之二陽長至于八月

而二陽消亦不久也朱子曰雖天運之當然然君子宜知所戒項氏曰元亨利貞指六陽之卦也八月有凶指二陰之卦也二陽方長雖未成乾而已有乾之德必至於乾者天道然也故曰天之道未至成遯而已有遯之禍其長如此其消亦如此故曰消不久然則撫消息盈虛之運者可不勉其所必至而防其所將及哉

傳一之十九凡三十
字長知兩切說音曰

大觀在上順而巽中正以觀天下

以卦德卦體釋卦名大謂二剛觀天下之

觀去聲示也二剛之大為四柔所觀而在其上其德順於民而巽於己九五居中得正示表儀於天下居在上之位而又有如是之德是以為下之所觀而卦名曰觀也項氏曰觀四陰方盛以二陽為大而曰大觀大壯二陰在上以四陽為大而曰大壯不論其多寡上下而論其德也觀字卦名并卦內並是平聲惟觀天下一字是去聲爾序卦以可觀解卦名雜卦以或求解卦義皆下觀上也彖之觀天象之觀民六爻之所以觀无一可作去聲者頤與觀互相變故頤之

觀盥而不薦有孚顙若

下觀而化也

釋彖辭觀其盥不待觀其薦而有孚已顙若者下之觀上而化也言感應之機甚速

觀天之神道而四時不忒聖人以神道設教而天下服

矣

廣觀義上文所言感應之速者觀道之神也因言天道之神神者妙不可測之謂服者從而化也人觀天

道之神莫知其然而四時代謝終古如一无少差忒觀道亦然常人以言設教則有聲音以身設教則有形迹聖人之道如天之妙不可測以之設教非有聲音非有形迹不設而設不教之教天下一觀感之餘其應捷如影響莫不從而化焉應其所感亦如四時之應乎天而无有差忒也蓋所存甚神故所過即化篤恭而天下平如上天之无聲无臭而萬邦皆作孚此其所以為神道與

傳一之二十凡四十
九字註道與音余

頤中有物曰噬嗑

以卦體釋卦名程子曰外剛中虛頤口之象中虛之中又一剛為頤中有

物之象口中有物隔其上下不得噬故為噬嗑而亨剛柔分動而

明雷電合而章

以下釋彖辭以卦變卦德卦象言卦自否變否之三陽分其一為初九而成震

之動否之三柔分其一為六五而成離之明剛柔分則隔而未合也動而噬之使合也明則有亨之意矣電開而雷合則既噬而噬也雷合而電章則既噬而亨也章有嘉美之義剛柔分動而明言未噬之前以噬而致亨雷電合而章言既噬之後以噬而遂亨先之以噬嗑而亨四字者項氏曰此二句解噬嗑亨也

柔得中

而上行雖不當位利用獄也

以卦變言否之初五相易柔自初上行至五得上卦

之中居五雖不當位然以柔居剛為以剛濟柔而不過於柔治獄所宜也結之以利用獄也四字者項氏曰此兩句解利用獄也噬嗑而亨何事不利而獨利用獄者六五以柔在上才不當位不足以致大利獨以柔得中利於用獄而已

傳一之二十一
凡三十六字

賁柔來而文剛故亨分剛上而文柔故小利有攸往

卦以

變釋彖辭項氏曰二剛為質而以柔文之則卦之內體固有能亨之道及內之一剛分往居外反使二柔為質而以剛文之故小利有攸往而已以柔文剛則順以剛文柔則悖蓋其質既弱則文无所施也澄案項說小字雖未合爻義然亦一義也剛柔交錯天文也文明以止人文也觀乎

天文以察時變觀乎人文以化成天下

廣賁義以卦體言交錯者初與

二三與四五與上皆以一剛一柔相間在天日月之行星辰之布亦剛柔交錯故曰天文也以卦德言文明者文采著明止者不踰分限在人五典之敎五禮之秩粲然有文而各安所止故曰人文也時變謂四時寒暑代

謝之變化謂舊者化新成謂久而成俗程子曰天文謂日月星辰之錯列觀之以察四時之遷改人文人理之倫序觀之以教化天下成其禮俗乃聖人用賁之道也

傳一之二十二凡五十二字賁下舊本有亨字朱子曰疑衍今刪去天文也上舊本无剛柔交錯四字胡氏曰蓋遺脫朱子曰或然也澄案王弼註天文也三字自為一節不與上文連而註云剛柔交錯而成天文則疑若當時此四字未遺脫然今從胡氏說補之

剝剝也柔變剛也

以卦體釋卦名陰柔剝陽剛變五剛為柔也

不利有攸往

小人長也順而止之觀象也君子尚消息盈虛天行也

以卦體卦德釋彖辭陰柔小人方長盛而消剝陽剛君子豈宜有往也下坤順上艮止有順時而止之象君子

觀此卦象知陰方息而盈陽方消而虛此乃天運之流行唯當順時而止所以不往也尚猶貴也所貴者能知消息盈虛也

傳一之二十三凡三十三字長知兩切

復亨剛反也

釋卦名及彖辭亨之義剛反釋復字而亨之意在其中剛既反則日長日盛而亨矣

動而以順行是以出入无疾朋來无咎

以卦德言動而以順行則其動

皆无逆理咈意之事所以已之出入朋之來至皆无疾咎也

反復其道七日來復天

行也

自陰生至陽復凡七月此乃天運之行自然而然故人之出外而反者復其故道亦當七日而來至

其占應乎天行之自然也項氏曰剝曰君子尚消息盈虛天行也復曰反復其道七日來復天行也道之興廢

皆天命

利有攸往剛長也

剛之長當進而往人於剛長之時亦宜有所往也項氏曰剝曰

不利有攸往小人長也復曰利有攸往剛長也易之意凡以為君子謀也

復其見天地之心

乎

程子曰一陽復於下乃天地生物之心也先儒皆以靜為見天地之心蓋不知動之端乃天地之心也非

知道者孰能識之邵子曰冬至子之半天心无改移一陽初動處萬物未生時玄酒味方淡大音聲正希此言如不信更請問包羲問天地之心雖靜未嘗不流行何為必於復乃見之朱子曰三陽之時萬物蕃新只見物之盛大天地之心却不可見唯是一陽初復萬物未生冷冷靜靜而一陽既動生物之心闐然而見雖在積陰之中自掩藏不得此所以必於復見天地之心也

傳一之二十四凡四十六字剛反下舊本无也字今補之長知兩切

无妄剛自外來而為主於內

以卦變釋卦名剛為天理柔為人欲外謂三內謂初

遯之初三相易剛自三來初為一卦之主易去內柔是天理為主於內而去其人欲之妄也

動而健

剛中而應大亨以正天之命也

以下釋彖辭以卦德卦體言動而剛健不息剛

得中而柔應之此天之所以為天者而卦具此善是與天之道合矣故其大德能致亨以正主事其占與乾同也天之命即天之道以其自然則曰道以其流行則曰命改字叶韻爾其匪正有眚不利

有攸往无妄之往何之矣天命不佑行矣哉

上之字助語下之字

適也往也无妄天之正命也无妄者之往宜何所適乎適正可也匪正而往則是咈天命矣天命所不佑其可

行乎哉

傳一之二十五凡五

十字註去起呂切

大畜剛健篤實輝光日新其德

以卦體釋卦名乾體剛健艮體篤實乾艮互離

為輝光此陽剛之大德畜而然也大者畜則可久故其德日新而有常日新亦離象剛上而尚賢

能止健大正也

以下釋彖辭以卦變卦德言利貞卦自大壯而變一剛由四升上為大畜之主

爻五四二柔以一剛為賢而尊上之上艮之止能止下乾之健考爻義則止乾之健者艮之二柔為之也彖傳乃謂二柔尊上一剛於已之上其能止健者一剛之大正主其事也而非二柔之小者為之不以止健之功歸之於陰小蓋不家食吉養賢也

賢為陽類賢人之聚君上當養之使之食天祿

不當使之家食也利涉大川應乎天也

涉險非乾健之力不能六五下

此賢字謂乾三陽

應乎乾故
能涉大川

傳一之二十六
凡三十八字

頤貞吉養正則吉也

釋卦名及彖辭貞吉之義

觀頤觀

其所養也自求口實觀其自養也

所養養人自養養已
項氏曰觀其所養指

上九言觀其自養指初九言初上二陽上下兩卦之主
爻也非夫子贊辭明白則後儒必不分作養人養已兩
條也
天地養萬物聖人養賢以及萬民
廣頤義初上二畫
乾之初九上九也

中間四畫坤之六二六三六四六五也天包地外萬物
生養於地中上九在上之陽聖人也初九在下之陽賢
人也四陰坤之衆萬民也程子曰聖人養賢所以養萬
民也與共天位食天祿俾施澤於天下養賢以及萬民

也
頤之時大矣哉

程子曰天地之中品物之衆非養則不生聖人裁成天地之道輔相天地

之宜以養天下至於鳥獸草木皆有養之之政其道配天地故曰頤之時大矣哉或云義或云用或止云時以其大者也萬物之生與養時為大故云時

傳一之二十七凡四十三
字註施印志切相息亮切

大過大者過也

以卦體釋卦名過謂多於陰

棟橈本末弱也

以卦體釋彖辭

之象本謂初末謂上弱謂陰柔

剛過而中巽而說行利有攸往乃亨

以卦

體卦德釋彖辭之占剛雖過盛而二五皆得中則雖過不過矣以柔巽柔說而行是以柔濟其過盛之剛也不恃其盛而過於剛所以利於往而能致亨
大過之時大矣哉
大過之時君子之過盛也苟善

於處則為君子利且亨之時故贊其大

傳一之二十八凡三十三字說音曰

習坎重險也

釋卦名

水流而不盈行險而不失其信

以下釋彖

辭以卦象卦德言流者一陽之動於中不盈者陷於二陰而未能出險謂中能陷人隔絕內外不失其信謂逝者如斯不舍晝夜雖動流於坎之中而不盈滿以出乎科坎之外此釋卦名坎字雖行於有險之中而不失其有常之信此釋彖辭有孚字水之有信如此故筮得此卦者人之有孚於已亦如水之有信也

維心

亨乃以剛中也

以卦體言二五剛中之實足以感人故人皆維係其心而不釋致亨之道由此

行有尚往有功也

六四往則上得九五之配合是往而有功也

天險不可升

也地險山川丘陵也王公設險以守其國

廣坎險義不可升者无形

之險山川丘陵者有形之險王公因有形之險為无形之險設此以固守其國是謂人險

險之時用

大矣哉

險雖非美事而有時得用故贊其大

傳一之二十九凡五

十九字註舍音捨

離麗也日月麗乎天百穀草木麗乎土重明以麗乎正

乃化成天下

釋卦名項氏曰日月麗乎天而成明百穀草木麗乎土而成文故卦為文又為明重

明以麗乎正此統論一卦之義以釋卦名也上卦為重明下卦三爻皆麗乎正故曰重明以麗乎正以字如同人之文明以健賁之文明以止皆論上下兩卦上為重明之君下皆麗乎正之人此明君能化成天下之象

柔麗乎中正故亨是以畜牝牛吉也

以卦體釋彖辭雖柔而利於正主事

者以其麗乎中正也亨吉二占皆由利貞而得項氏曰柔麗乎中正此以二五成卦之爻釋卦辭也五麗乎中二麗乎正中人能附順乎中正之道故亨是以畜牝牛吉加是以二字明柔附本非令德以能附麗乎中正是以吉也苟附麗非正則安得吉哉朱子曰柔麗乎中正說六二分數多六五柔麗乎中而不得其正特借中字包正字爾

傳一之三十
凡四十字

易傳纂言卷一

欽定四庫全書薈要卷三百五十

經部

易傳纂言卷二

元 吳 澄 撰

彖下傳

咸感也柔上而剛下二氣感應以相與

以卦變卦體釋卦名否剛柔不

交之卦也否六三之柔上往而上而交乾之剛否上九之剛下來三而交坤之柔故為交感之卦二氣謂陰陽相應與謂有應卦之二體陽感而陰應陰感而陽應六畫皆相與卦之所以得咸感之名也

止而說男

下女是以亨利貞取女吉也

以卦德卦象釋彖辭止於此則不妄動說於此則不

他慕交感之情專一无二故能致嘉美聚會而宜正主事又男先求女而下於女故取女則吉也

天地

感而萬物化生聖人感人心而天下和平觀其所感而

天地萬物之情可見矣

廣成義天地之氣交相感其應則萬物由化而生聖人之一心

感天下萬人之心其應則天下之人由和而平化謂无者有枯者榮和謂不乖戾平謂均齊而无一不和所感者天地聖人之情應所感者萬物與人之情末句但言天地萬物不言聖人與人心者聖人即天地人亦萬物也蔡氏曰天地萬物之情感而必應應感之間情无所遁矣

傳二之一凡六
十二字說音曰

恒久也剛上而柔下雷風相與巽而動剛柔皆應恒

卦以

變卦象卦德卦體釋卦名卦自泰變初剛上四四柔下初陽剛在上陰柔在下恒道也雷風天所以動橈萬物

者雷不恒有而風恒有與猶助也相與相應而相助也
上震象雷下巽象風二卦六畫皆相應是二者之相助
也無風之時有雷以為風之助無雷之時有風以為雷
之助二者不必同時皆有有無相資兩相補助則不恒
者恒矣內巽入而外震動剛柔无
一不相應凡此均為人物之常道恒亨无咎利貞久

于其道也

以下釋彖辭恒久之道可致亨則為无咎所謂利貞者恒久於其所可恒之道也貞者可

以恒久之道也

天地之道恒久而不已也利有攸往終則有始

也

天地之道非以一定為可恒久以其變易相禪運動不已也所以利有攸往者欲其終則復始如環无端

而後可恒久也

日月得天而能久照四時變化而能久成聖人

久於其道而天下化成觀其所恒而天地萬物之情可

見矣

廣恒義天圖轉運行日月亦如之是謂得天故能恒久以照萬物溫涼寒暑之代謝變舊而化新是

謂變化故能恒久以成歲功聖人恒久於其可恒久之道故天下視效而化以成風俗王者必世而後仁此之謂也

傳二之二凡九十一字
橈乃教切禪時戰切

遯亨遯而亨也剛當位而應與時行也

以卦體釋彖辭剛當位以九五

言應謂應六二之陰時謂陰進陽退之時項氏曰遯本无亨之理遯而能亨者剛當位而能應柔隨時用權不與為敵故亨也爻得正為當位以正自居而以權應柔得遯遯之義如陳仲弓不忤中人能脫頴川於黨禍所謂遯而亨也澄謂彖辭遯亨為四陽言也彖傳專言小九五者九五四陽之統得處遯之宜有致亨之道也小

利貞浸而長也

也小者利於貞以其浸而長以消陽也於斯時也君子其可以不遯乎

遯之

時義大矣哉

君子於時當遯而遯其義甚大當遯而不遯則失身而致禍矣

傳二之三凡三十九字長

知兩切註為四云偽切

大壯大者壯也剛以動故壯

以卦體卦德釋卦名朱子曰以卦體言則陽長過中

大者壯也以卦德言則乾剛震動所以壯也

大壯利貞大者正也正大而天

地之情可見矣

釋彖辭利貞而又蒙卦名大壯二字者以見利貞為利於大者正主事也正主

事者出於陽剛故曰正大正者以陽之大而不以陰之小此天地之情也

傳二之四凡二十

九字註長知兩切

晉進也明出地上

以卦象釋卦名明出地上進進而上所以為晉也

順而麗乎

大明柔進而上行是以康侯用錫馬蕃庶晝日三接也

以卦德卦變釋彖辭坤順之臣進而附麗於離明之君此釋康侯錫馬之義柔臣德也五君位也四近君卦自觀變六四之柔近君進而上行至五九五之剛下降居四而成離日猶朝貢之臣為天子所禮接此釋晝日三接之義

傳二之五凡三十

二字註朝音潮

明入地中明夷

以卦象釋卦名

內文明而外柔順以蒙大難文

王以之

以卦德申上文釋卦名之義內離文明外坤柔順蒙猶言冒犯也大難謂明而遭傷大釋明字

難釋夷字以猶用也文王為紂所囚內文明而不失已外柔順以免於禍是文王所用合於明夷全卦之義

利艱貞晦其明也

釋彖辭於艱難而正主事能晦其明者也

內難而能正其

志箕子以之

申上文釋彖辭之義內難釋艱字能正其志釋貞字內謂箕子為紂近親在其國內

難謂為坤暗所蔽而自晦正其志謂猶以離明主事箕子為紂所囚能晦其明而佯狂為奴是箕子所用合於

六五一

爻之義

傳二之六凡三十
九字難乃旦切

家人女正位乎內男正位乎外男女正天地之大義也

以卦體釋彖辭彖辭止言女貞者以二體之主爻言也
彖傳無言男正者通卦中之四畫言也女為正而位乎

內謂二與四也男為正而位乎外謂三與五也二內三
外在下者之家也无妄剛自外來而為主於內以三為
外初為內也四內五外在者之家也比六四外比之
以五為外四為內也男正於五三五為六畫卦之天三
為三畫卦之天女正於四二四為三畫卦
之地二為六畫卦之地故曰天地之大義

家人有嚴君

焉父母之謂也父父子子兄兄弟弟夫夫婦婦而家道

正正家而天下定矣

廣家人義家人之尊嚴者有君道
父是也母配父曰小君其尊同故

皆稱嚴君上九居一卦最上之位象父母陽畫象父而
亦象母者儀禮饋食篇妣配考同位不別設位也朱子
曰上父初子五三夫四二婦五
兄三弟以卦畫推之又有此象

傳二之七凡五
十五字食音嗣

睽火動而上澤動而下二女同居其志不同行

以卦象
釋卦名

燎而麗于高上之處者火也流而瀦于卑下之地者澤也故曰動而上動而下此二物之性睽異也居謂處父母家行謂嫁歸夫家婦人以嫁為行少則同處長則各有夫家故曰同居不同行此二女之志睽異也

說

而麗乎明柔進而上行得中而應乎剛是以小事吉

以卦

德卦變卦體釋彖辭睽之時无所謂吉以能得在下之說而在上能麗乎明此其可吉者一也六五之柔自初而進上行至五柔不能振舉進而在上有勢位以臨下與退伏在下者不同此其可吉者二也得中則不太柔下應九二之剛資之以濟其弱此其可吉者三也然說而麗乎明者進而上行者得中而應剛者皆柔之為也柔豈能成大事哉故其吉者小事而已

天地睽而其事同也男女睽而其

志通也萬物睽而其事類也

廣睽義程子曰天高地下其體睽也然陽降陰升相

合而成化育之事則同也男女異質睽也而相求之志則通也生物萬殊睽也而得天地之和稟陰陽之氣則

相類也物雖異而理本同故天下之大羣生之衆睽散萬殊聖人為能同之乃合睽之道也睽之時

用大矣哉

項氏曰百官分職而治之則凡職皆治萬國分土而平之則凡土皆平若混而無分則皆

不治矣睽之有時而可用者謂此類也澄案項氏以睽之有時而用者為大程子則承上文而以合睽之用為大

傳二之八凡七十字說音
曰註處展呂切長知兩切

蹇難也險在前也見險而能止知矣哉

以卦德釋卦名難者謂行之難

也行之所以難者以有坎險在前也見險在外而能止於內如人之蹇跛不行也三四互離故能見二三四互坎故蹇利西南往得中也

以下釋彖辭以卦變言震初之剛上往易五而得上

卦之中故震四之剛得以下來易不利東北其道窮也三而利於自西來南自南往西也

以卦體言初東也於艮山之阻為最在下上北也於坎水之險為最在外皆道路之窮處也

利見大

人往有功也

六二往見九五之大人則中正之君當位中正之臣得以相資而有濟蹇之功

當位

貞吉以正邦也

九五當位者君之一身正也上下四畫當位者一國之人正也君能以其一身

之正而正一國所以吉也

蹇之時用大矣哉

蹇豈美事哉有時當見險而止則其用亦大也

傳二之九凡五十四字難乃旦切知音智跛畢我切

解險以動動而免乎險解

以卦德釋卦名解者險難釋散之時也坎險在內震動在

外是動而出乎險之外得以脫免於危難也

解利西南往得衆也其來復吉

乃得中也有攸往夙吉往有功也

以卦變釋卦辭三南四西艮三之陽自南

往西而艮四之陰自西來南則下卦成坤體坤為衆艮陽往四而下臨坤三陰之衆故曰往得衆也此以艮三易四艮四易三而言也艮上之陽自外而來復反于下以易二乃得下卦之中故曰乃得中也此以艮上易二而言也艮二之陰自內而往以易上上當朝之位是蚤得成解難之功也故曰往有功也此以艮二易上而言

也天地解而雷雨作雷雨作而百果草木皆甲拆

廣解義天

地之氣冬而閉塞立春以後雨水驚蟄之節閉塞者解散而雷動雨降此天地冬而春之時也甲謂殼籜包裹

未生之萌芽在內拆謂迸開而生出也天地之氣既解散而當春雷雨則物之鬱結於地中者亦皆解散而生也此萬物藏解之時大矣哉

時當屯蹇則解散天下之難以至天地解散而

雷雨百果草木解散而發生皆為解之時此其所以為大也

傳二之十凡五十九字

損損下益上其道上行

以卦變釋卦名泰卦損其下體之九三以益其上體之上六九

益六而居上其陽剛之道得以上行也

損而有孚元吉无咎可貞利有攸

往曷之用二簋可用享二簋應有時損剛益柔有時損

益盈虛與時偕行

釋彖辭有時者有其時謂當損之時也損剛益柔有時一句釋有孚元吉

无咎可貞利有攸往也謂所以孚所以吉所以无咎而可而利者以損下之剛益上之柔適當其時也二簋應有時一句釋曷之用二簋可用享謂初二之應四五亦適當其時也損三之盈益上之虛已損者也損初二之盈益四五之虛方損者也已損方損皆損之於當損之時故曰與時偕行

傳二之十一
凡五十字

益損上益下民說无疆自上下下其道大光

以卦變釋卦名損否

之九四以益初六是損其上以益下也下之民受上之益則其說无窮極二三四互坤為民上巽為兌之倒體說者在下也陽自上體之四來初而下於下體二三之陰其陽剛之道為大而成卦肖離體之中虛則大而又有光利有攸往中正有慶利涉大川木道乃行

以卦體卦象釋

彖辭二之中正往應五之中正陰陽會合而有慶也上體巽為木下體震動為行木之行動者舟行涉大川也

益動而巽日進无疆天施地生其益无方凡益之道與

時偕行

廣益義以卦德言人事之益人之動而能卑巽則日有進益无窮已也商書曰惟學遜志務時

敏厥修乃來是也又以卦變言天地之益乾之九四易初而下交於坤天之施也坤之初六易四而上達於乾地之生也天布施地發生萬物竝育其增益衆多无有方所也凡益之道總言天地之於萬物人之於萬事其為增益者无時而止息所謂與時偕行也

傳二之十二凡五十七
字說音曰施申志切

夬決也剛決柔也健而說決而和

釋卦名而贊卦德之善雖以五陽決去一

陰然不可恃陽之盛而過於猛卦德內健而外說健說相濟而其決陰也無不及亦無過故和和者無過不及之中也

揚于王庭柔乘五剛也

以下釋彖辭以卦體言所謂揚于王庭者言一柔乘

五剛之上也項氏曰上六揚于九五之側而臨諸陽此君側之惡人也

孚號有厲其危乃

光也

九五能知比近陰柔為危不以其號呼求援而孚信之則陽明不為陰柔所點汚而陽德光矣是其

危者乃所**告自邑不利即戎所尚乃窮也**

尚上也坤邑喪亡僅存一

民在上其所上於五陽者乃**利有攸往剛長乃終也**

陽剛

將窮盡矣元衆何以即戎也**利有攸往剛長乃終也**
之長至五然上畫猶有一陰則其長猶未終也九五

往前決去一陰則為純乾然後剛之長乃終畢也

傳二之十三凡五十二字說

音曰長知兩切註喪息浪切

姤遇也柔遇剛也

釋卦名

勿用取女不可與長也

釋彖辭程子曰

取女者欲長久而成家也一陰既生漸長而盛漸盛之陰將消勝於陽不可與之長久也凡女子小人夷狄勢

苟漸盛何可與久

天地相遇品物咸章也剛遇中正天下大行

也

廣姤義上卦正體為乾二三四互體為乾天也初六一陰坤之下畫地也四月為純乾之卦五月坤之一

陰始生於下而與乾遇故曰天地相遇斗建正南午位盛夏之時萬物長盛而相見故曰品物咸章九五以陽剛居中正之位故曰剛遇中正有德有位居尊臨下其剛陽之道得行於天下故曰天下大行卦之一陰遇五陽乃陰始生而消陽之卦然九五剛中正居尊位故彖辭雖慮小者之始生而勢漸盛彖傳又喜大者之居尊而道得行亦扶姤之時義大矣哉

程子曰天地不相遇則萬物不生君臣不

相遇則政治不興聖賢不相遇則道德不亨事物不相遇則功用不成姤之時義甚大也澄謂一陰之生雖微處斯時者宜有以豫待之其義大矣

傳二之十四凡四十一
字註漸長長盛知兩切

萃聚也順以說剛中而應故聚也

以卦德卦體釋卦名在下者順在上者之

說已九五剛中而能得六二之應已皆陰萃而歸陽之義

王假有廟致孝享也

以下釋彖

辭致者至其極也極盡孝享之道乃能萃已散之精神也

利見大人亨聚以正也

大

者能聚百嘉又能正主事也

用大牲吉利有攸往順天命也

物聚人聚而衆

多之時祭者宜盛居者宜往此皆順天道之自然也

觀其所聚而天地萬物之情

可見矣

廣萃義徐氏幾曰天地萬物高下散殊感則見其情之通恒則見其情之久聚則見其情之同

不于其聚而觀之情之一者不可得而見矣

傳二之十五凡五

十六字說音曰

柔以時升

以卦體釋卦名萃之三柔在下反易為升則三柔以時而升於上矣

巽而順剛

中而應是以大亨

以下釋彖辭以卦德卦體言巽者一柔巽於二剛也順者坤之三柔順於

二剛也剛中而應者九二剛中而六五之柔應之也初六比而巽九二六五順而應九二六四順而比九三上六應而順九三此二

用見大人勿恤有慶也

六五見九二九二亦

剛之大所以亨也

升而應之陰陽南征吉志行也

以卦變言九三自初而升三其志得行也釋卦

名以二柔言釋彖辭三占則巽之順之應之見之者四柔也而大亨有慶志行皆為一剛而言也

傳二之十六
凡三十

困剛掩也

以卦體釋卦名謂三剛為三柔所掩所以困也

險以說困而不失其

所亨其唯君子乎

以下釋彖辭以卦德言險則困說則不失其所亨

貞大人吉

以剛中也

以卦變言剛自上來而居中為卦主此正主事之大人也

有言不信尚口

乃窮也

尚上也柔自三往上去成兌口猶小人在上以口謗傷人者然居卦終窮極之地其言不實不足

以困人所上之口乃至於窮極而自困耳

傳二之十七凡三
十六字說音曰

巽乎水而上水井井養而不窮也

以卦象釋卦名養而不窮言井之功也

改邑不改井乃以剛中也

以卦變卦體釋彖辭五之剛往上得中而坤之邑改二之

剛在下得中而為井中之水者不改也

汔至亦未繙井未有功也羸其瓶

是以凶也

往井之水未上出雖未有功而亦未凶來井之水既下漏則凶矣

傳二之十八凡四十字

革水火相息二女同居其志不相得曰革

以卦象釋卦名息與熄通

滅熄也水熄火者也火又熄水故曰相息此變革其常也中少二女同居父母家其初同所自出曷嘗不相得哉其後將有適志各有在則已日乃孚革而信之

以下釋彖

辭以卦變言巽再變而下卦成離為卦之主離納己故
曰己日己者十日中半之後待此時而後革則謹審而
不輕遽故革文明以說大亨以正以卦德言六二卦主
內蘊文明外應九五

而九五說之下持美而效之君上樂取諸人以為善二
之文明遂為五之文明矣文明以說則盡事理得人心
元大之德能致亨革而當其悔乃亡以卦體言除九四
一爻五畫剛柔皆
當位有所革各得其當之義天地革而四時成湯武革
使不當者亦當其悔乃亡也

命順乎天而應乎人

廣革義天地之溫熱涼寒生長收
藏遁相代謝而春夏秋冬之時成

湯武伐夏伐商變革二國所受之命順天革之時大矣
之理而應人之望是二事變革之最大者

哉

因上文而贊
其時之大

傳二之十九凡六十三
字說音曰註少詩詒切

鼎象也以木巽火亨飪也聖人亨以享上帝而大亨以

養聖賢

以卦體卦象釋卦名象謂形之似卦體之奇耦似鼎器足腹耳鉉之形此言鼎之體也以木巽

火謂巽內離外亨煮也飪熟也以巽木入于離火之內煮物而熟之此言鼎之用也以木巽火亨飪也七字為句蔡氏曰亨飪不過祭祀賓客二事而祭之大者上帝賓客之重者聖賢祀天尚質故止言亨養聖賢貴多故曰大亨朱子曰享帝用犢而已

巽而耳目聰明柔進而

上行得中而應乎剛是以元亨

以卦象卦變卦體釋上離為目六五為鼎

之耳中虛聰明之象卦自兌變兌三之柔進而上行為六五得上卦之中而應九二之剛聰明則非昏懦之巽

上行則非卑下之柔應剛則非止柔中而已卦有此三善所以為元而能致亨也

傳二之二十凡四
十五字亨丕庚切

震亨震驚百里驚遠而懼邇也不喪匕鬯出可以守宗

廟社稷以為祭主也

釋彖辭不釋震亨者朱子謂震有亨道不待言也驚百里謂所驚者

遠也遠且驚則邇尤甚懼邇懼甚於驚也雷聲之近令人懼而執匕鬯以奉祭事者不以驚懼而有喪失其誠敬專一中有所守故可以出主宗廟社稷之祭堯之試舜取其烈風雷雨弗迷者蓋亦以是也出對處而言震為長子處之時則世子也出之時則嗣守宗廟社稷以主其祭程子曰誠敬之至威懼不能使之自失如是而後可以守世祀承國家也

傳二之二十一凡二十九字亨下舊本有震來虩虩恐致福也笑言啞啞後有則也十六字今案此因彖辭重出初九爻辭故後人於彖傳亦重引初九象傳以釋之宜衍懼過下舊本无不喪亡咥咥氏曰王昭素案徐氏云出字上脫此四字程子亦以為文脫而朱子從之今增補喪息浪切

註今來丁切長知兩切

艮止也時止則止時行則行動靜不失其時其道光明

釋卦名時止謂定心之時時行謂應事之時動謂行靜謂止不失謂常得所止其時謂時止時行之時此以止字釋艮義而兼及行字者蓋人心无事之時則定有事之時則應故曰時止則止時行則行豈可厭動好靜專務外滅而內寂哉故其止而靜也固不失所止於斯時其行而動也亦不失所止於斯時是謂動靜不失其時

也或止或行有時不同而不失所止无時不然也靜而止不失其時內卦之止動而行不失其時外卦之止內止固止外行亦止此釋重艮之義程子曰定艮其背止性者靜亦定動亦定張子曰定然後有光明

其所也上下敵應不相與也是以不獲其身行其庭不

見其人无咎也

釋彖辭止字釋艮字其所字釋背字謂止於其所也上下體應又剛柔皆相敵

故初四不相應而不獲止其背之身三上不相應而不見行其庭之人二止於內不與外應五止於外不與內應皆兩各止其所故无咎也凡八純卦六爻皆敵相與應而不相與獨於艮卦言之者以明內外各止其所之義

傳二之二十二凡五十二字艮其背舊本背作止晁氏曰當依卦辭作背今從之

漸漸進也

釋卦名

女歸吉利貞進得位往有功也進以正

可以正邦也其位剛得中也止而巽動不窮也

以卦變卦體卦

德釋彖辭進得位往有功也釋女歸吉進謂進而求女非以女歸為進也往謂男家之禮往女家漸卦以內卦為男家外卦為女家否未變漸之時坤母在內男家之母也乾父在外女家之父也坤三往四而成巽女乾四來三而成艮男譬猶男家求婚而為父者有得位之女家既許婚而為母者有得位之男因此一進而男女得位是其往為有功也進以正可以正邦也釋利貞進以正謂三進四而二畫之往來各以正因三四往來之正而初二五上亦正猶家既正而可以正國也三四象二家之男女女初二艮之二民五上巽之二君四畫象一國之君民故曰邦二五當位固為正初上雖不當位亦得剛上柔下之正故曰正邦又以卦體申釋利貞之義

言九五當位以剛得中而正故利於女家之正主事而歸其女者又以卦德申釋女歸吉之義言艮男止於內而巽女卑巽於外以入故其動不窮動謂女子有行釋歸字不窮謂不困厄釋吉字

傳二之二十三凡三十七字漸漸進也舊本作漸之進也朱子曰之字疑衍或是漸字澄

案因寫下漸字作二遂譌為之女歸下舊本无利貞字有也字今從王肅本也

歸妹天地之大義也天地不交而萬物不興歸妹人之

終始也說以動所歸妹也

以卦體卦德釋卦名前二句以天地明歸妹之義興猶立

也五天也二地也六居五地上交於天也九居二天下交於地也六往上五來下是乾坤交而後萬物生為天地之大義女歸於夫而有生育亦猶是也故以天地之大義明歸妹之義凡女必歸為人婦歸妹者為人女之

終為人婦之始說者女說其所行為婦始者因遣行之
以終其為女因所說於婦而動之使歸焉是乃為所歸
之妹
征凶位不當也无攸利柔乘剛也
以卦變卦體釋
彖辭泰三往四

泰四來三位皆非正來與往皆不當故征行則凶二五
亦位不當然占言征凶專指三四往來之畫而言也初
九雖當位然柔居上剛居初為柔乘剛故亦无攸利諸
家解柔乘剛指三五言此獨言上者在夬之彖傳上六
柔乘五剛則上六柔初九亦是柔
乘剛矣豈必比近而後為柔乘剛哉

傳二之二十四凡
四十四字說音曰

豐大也明以動故豐

以卦德釋卦名但光明而不震動
非盛大也不光明而但震動亦非

盛大也

王假之尚大也勿憂宜日中宜照天下也

釋彖辭
不釋亨

字者豐大則必亨不待釋也尚上也大謂王也老子曰域中有四大王居其一此言諸侯之國而有王者至之是下之所上者乃天下至大之王也處豐之時固當憂而今勿憂者謂宜保持其盛大使常如日中之時而其明普照於天下則乃可不憂也

日中則昃月盈則食天地盈虛與時消

息而況於人乎況於鬼神乎

廣豐義食虧也因彖辭宜日中三字而推言之謂豐

无常豐之理豐者如天地之氣息極而盈則將漸消而虛矣朱子曰天地舉其全體而言鬼神指其中運動變化者而言物盛必衰雖鬼神不能為也常須謹守得日中時此邵子所謂醕酢離披時也項氏曰日月有晷食天地之一盈一虛猶隨時而消息則形氣之運於其間者從可知矣人者形也鬼神者氣也人之智不免於死生鬼神之靈不免於聚散則豐亦豈吾之所能常有言此以足卦辭日中之義使知中者人之所當勉而晷亦

非人之所
能為也

傳二之二十五凡五十字註令
來丁切醕名上聲酹丁上聲

旅柔得中乎外而順乎剛止而麗乎明是以小亨旅貞

吉也

以卦變卦德釋彖辭卦自否變坤之一柔自三往
五得外卦之中而順乎乾之二剛此以六五一爻

釋小亨也柔止於內而外附麗於明此以重卦二德釋
旅貞吉也小亨言上卦六五之旅旅貞吉言下卦九三
之
旅旅之時義大矣哉
旅最難處處旅之時
其義難盡故曰大

傳二之二十六凡三十字柔得
中之上舊本有小亨二字衍

重巽以申命

釋卦名重巽巽下巽上也巽入也而象風
申重也命號令也號令之入人如風之无

所不入故巽為號令重巽而亦名為巽者以象號令之
申也蔡氏曰二剛示乎上而下一柔順之號令之象

剛巽乎中正而志行柔皆順乎剛是以小亨利有攸往

利見大人

以卦體釋彖辭剛巽乎中正九五也三剛同
之二柔順之而九五之志得行也柔謂初四

剛謂二五小謂柔也大人二五也二柔皆順剛故小
者亨而小者在下利於上往以見二五之大人也

傳二之二十

七凡三十字

兌說也

釋卦名

剛中而柔外說以利貞是以順乎天而應

乎人

以卦體釋彖辭剛中謂二五能得民之說而不言
亨者致之而有餘也但言說而亨在其中矣柔外

謂三上為民而說以從君必利貞者防其不足也三
上天位也而柔處之順乎天之理也二五人位也而剛

處之中實能應乎人之心也

說以先民民忘其勞說以犯難民忘其

死說之大民勸矣哉

廣允義先民謂君率其民犯難謂民救其君說之大猶言說之至極

民勸謂忘其勞忘其死也

傳二之二十八凡四十四字說音曰先悉薦切難乃旦切

渙亨剛來而不窮柔得位乎外而上同

釋彖辭二五剛中故能致亨以

卦變言剛自四來居二而不居初是得中而不居窮極之處柔自二往四得位於外卦而上同於九五之剛中

也王假有廟王乃在中也

以卦體言九五互艮上畫為廟九居五是王乃在宗廟之

中利涉大川乘木有功也

以卦象言巽為木乘木於坎水之上有功者謂利也利貞

不待

釋

傳二之二十九

凡三十三字

節亨剛柔分而剛得中

釋彖辭致亨者九五剛中也以卦變言坤之三柔分其一為六

三乾之三剛分其一為九五而得上卦之中也

苦節不可貞其道窮也說以行

險當位以節中正以通

上六之苦而不可貞者居節之終節道已窮也六三之說行乎

坎險之內六四之當位節於允澤之上九五位中正似此三爻之節皆節之通者非若上六之窮此又以卦德卦體言三爻之善而證苦節不可貞之義蓋六三之說六四之柔居柔九五之中正皆非如上六之過而苦也

天地節而四時成節以制度不傷財不害民

廣節義天地之運渾

然无迹聖人財成其限節定為二分二至及二十四氣而四時以之成又以限節制為長短小大之度則用財取民俱有定限而所用不至於傷財所取不至於害民也

傳二之三十凡四十七字說音曰

中孚柔在内而剛得中說而巽孚乃化邦也

以卦體卦德釋卦名

柔謂三四剛謂二五三四二柔在九五之内而二五二剛得上下之中此以卦體釋中孚二五中實能孚於三四而三能說四能巽以孚於二五是二五之孚能化一國之民而使之孚也邦指三四二民而言此以卦德釋

孚豚魚吉信及豚魚也

以下釋彖辭信及豚魚言其信能如豚魚也

利涉大

川乘木舟虛也

乘木言巽木在兌澤之上舟虛言全卦之形象

中孚以利貞乃

應乎天也

天謂九五九乾畫也五天位也六四得正而乎應於中正之九五故曰應乎天

傳二之三十一凡四十二字說音曰

小過小者過而亨也過以利貞與時行也

以卦體釋卦名及彖辭小

者過而得亨矣又過而利於貞陰柔過盛小者方得時也故曰與時行也

柔得中是以可小

事也剛失位而不中是以不可大事也

二五之柔得中陰柔小人得時

也然小人可以為小事而已為大事者必陽剛君子而後能三四之剛不中而四又失位則陽剛不得志矣是以不可為有飛鳥之象焉飛鳥遺之音不宜上宜下大

吉上逆而下順也

卦體有飛鳥之象不宜上進但宜下退然後陽剛之大可以避禍全身而

吉方陰強陽弱之時上進則是逆時下退乃為順時也此卦四陰強盛大過二陽衰弱不及彖辭小過亨利貞可小事之占為陰柔小人之強盛而過者言也不可大事不宜上宜下大吉之占為陽剛君子之衰弱不及者言也傳所謂與時行柔得中著小人之得時也所謂剛失位不中上逆而下順傷君子之不得時也程子曰有飛鳥之象為一句蓋解者之辭誤入彖中

傳二之三十二凡六十二字可小事舊本作小事吉項氏曰脫可字義吉字石經云是以可小事也沙隨程氏亦云然今從之

既濟亨小者亨也

以卦體釋彖辭小謂六二或謂既濟亨之下又當有一小字

利貞

剛柔正而位當也

利貞亦謂六二利於正立事蓋與九五剛柔正相應而又當其位當位之

柔得在上當位之剛為應固有助矣而初四三上之剛柔亦皆正而當位則是時俗之美易於撫御此正主事者之所

初吉柔得中也

以上三占皆以卦主六二言

終止則亂其道

窮也

六十四卦之中三陰三陽皆得位者既濟一卦也然彖傳惟釋利貞兼取三剛三柔而言釋亨釋初

吉釋終亂皆專以柔而言者柔為卦主也柔者為主固非能濟之才然六二當時位之得中猶可以亨及至上六當終而窮極之時則力弱不能行而止於此矣豈復能出險哉程子曰濟之終不進而止衰亂至矣蓋其道已窮極也時極道窮必變惟聖人能通其變於未窮故有終而无亂

傳二之三十
三九三十

未濟亨柔得中也

以卦體釋彖辭柔得中謂六五既濟未濟二卦剛柔適均而亨之占皆以

柔言何也二爻剛雖得中而陷於險中故唯得中之柔麗乎文明者能致亨也小狐汔濟未出

中也濡其尾无攸利不續終也

原本闕

不能至終而登于岸故无所利也

雖不當位剛柔應也

又以卦之二體申釋彖義言汔濟濡尾无攸利者以六畫皆不當位然能致亨者以六畫剛柔皆相應也六五之柔中得九二之剛中為應所以能致亨也項氏曰既濟三剛三柔皆正然剛柔正而位當則謂六二二五剛柔正應而又當位也若泛言則失彖義未濟六爻皆不當位其曰雖不當位亦指六五言之剛柔應者覆解亨字雖无攸利用其柔中以與剛應自有致亨之理

傳二之三十四
凡三十三字

易傳纂言卷二

欽定四庫全書薈要

經部

易傳纂言卷三

四



詳校官祭酒臣韋謙恒

欽定四庫全書薈要卷三百五十一

經部

易傳纂言卷三

元 吳 澄 撰

象上傳

象者文王所立六十四重卦之名象傳者夫子為釋文王之卦名而作也象獸

名象其形而為字因假借其字為物形肖似之稱凡虎兕鹿兎馬牛羊犬等字皆象其形也而肖似之義獨於象字取之者象為極南之獸中土所无惟觀圖畫而想見其形由是圖寫物形之肖似謂之象義皇八卦之畫象天地八物則謂八卦之畫為象文王重卦之名象上下二體則謂重卦之名為象此傳釋重卦之名故曰象傳卦名之下言卦之用夫子所以推廣卦畫卦名之象也既釋文王所名各卦二體之象而并釋周公所繫各卦六爻之辭焉或乃指爻辭為



象誤矣其以釋卦名者為大
象釋爻辭者為小象亦非也

天行

此釋乾下乾上也乾之畫象天上下二乾者二天也天一而已安得有二故曰天行天之行一日統

地一匝一天自西而下降一天又自東而上升是二乾為天行之象朱子曰昨日行一天也今日行又一天也其實一天而健此仍羲皇八卦之名而為重卦之名當行不已也曰乾而曰健健即乾也陽之性健而成象之大者天也故羲皇以三畫純陽之卦為乾其德為健而象天因而重之下上皆乾則象天之行一日一周健而又健者也故文王亦名之為乾以卦德易卦名者以其居六十四卦之首故特異其辭以別於他卦如春秋首年不曰一年而曰元年君子以自彊不息君子者首月不曰一月而曰正月也君子以自彊不息君子者生知學知在上在下之通稱其以位言則於古曰先王於今日后曰上曰大人而先王大人則兼以德言也以

者用也言人觀此卦之象而用之以治身治世也自彊
能如重乾之健則能不息也自彊謂內有所主中立不
倚不息謂終始如一
潛龍勿用陽在下也
陽釋龍在下釋
潛龍之潛如大

一不須臾離也
人之隱於卑下未出用世故
見龍在田德施普也
龍見
而在

得此占者亦不可用事也
田如大人之已出見於世雖未
終日乾乾反復道也
反復

為君而其德之所施已普矣
道釋乾乾以學言之也行道已竟又還反以復于已
行之道而再行如初一乾既終一乾又始之象也
或

躍在淵進无咎也
未可躍則在淵既可躍則自淵躍出
以上于天如是而進是能審其可故

其進无咎
飛龍在天大人造也
造猶作也作謂起也大亢龍
人起而居天子之位也大亢龍

有悔盈不可久也
五為君位不可更過也過乎君位則
為盈水盈則必溢而不可以久大人

能知進退則不至於盈也

用九天德不可為首也

乾之德剛健中正中則不過於剛正

則不偏於剛用九者純剛俱變為柔蓋以柔濟剛而不過不偏也是為天德不可以純剛居上故曰不可為首

傳三之一凡六十八字施申志切註別必列切稱昌證切離力至切竟音敬

地勢

此釋坤下坤上也坤之畫象地上下二坤者二地也地一而已安得有二故曰地勢地之勢有下有

高下一級一地也高一級又

坤

此仍義皇八卦之名而為重卦之名坤者順也

陰之性順而成形之大者也故義皇以三畫純陰之卦為坤其德為順而象地因而重之上下皆坤則象地

之勢有下有高順而又順者也故文王亦名之為坤

君子以厚德載物

厚德能如重坤之厚

則能載物也厚謂不薄德之敦厖无一物而不容受承藉之也

初六履霜陰始凝也馴

致其道至堅冰也

馴如馬之馴其行徐徐而至馴致釋至謂其至以漸也

六二之

動直以方也不習无不利地道光也

六二爻義施於人事之動則如坤道

之直以方其大不重習其占无所不利者地道之光顯也

含章可貞以時發也或從

王事知光大也

程子曰義所當為則以時而發非含藏終不為也或從王事而能无成有終者

是其知之光大也澄謂柔變為剛故云大

括囊无咎慎不害也

慎釋括囊不害釋无咎

黃裳元吉文在中也

朱子曰文在中而見於外也

龍戰于野其道窮

也

柔居下為宜至于上則其道已窮極也

用六永貞以大終也

坤六畫皆柔小也用

六者純柔俱變為剛是始小而終則大故曰以大終

傳三之二凡九十一字初六履霜舊本作履霜堅冰今依魏志所引知音智註藉齊夜切

見賢
遍切

雲雷

此釋震下坎上也震之畫象雷坎之畫在天象雲雨在地象水泉水氣自地而上升于天則為雲故

象雲者坎在上卦也水氣自天下降于地則為雨故象雨者坎在下卦也

屯

此重卦之名屯者鬱結未解之

時雲升于上而雷動于下未能成雨則鬱結而屯及雷動于上雨降于下則屯之鬱結解矣故上雷下雨之卦

名為解而上雲下

君子以經綸

經綸皆治絲之事治世亦曰經綸者治世猶治

絲也君子治世猶治絲而欲解其紛亂亦猶屯之時必欲解其鬱結也經者先總其緒為一而後分之象雲之

自一而分綸者先理其緒為二雖磐桓志行正也以貴而後合之象雷之自二而合也

下賤大得民也

志行正因爻辭居貞而廣其義居則不行行則不居初以陽剛之才雖磐桓未

可進其志固在於得行而貞也居而貞非其志也大得民釋爻辭建侯大謂陽也民謂二陰屯自艮而變初剛自上來初以陽之貴下於二陰之賤大者為君而得二民之歸嚮也六二之難乘剛也十

年乃字反常也

剛謂初也反復也程子曰六二乘剛為剛陽所逼是其患難也至於十年則難

久必通矣乃得反其常與正應合也

即鹿无虞以從禽也君子舍之往吝

窮也

程子曰无虞而即鹿以有從禽之心也君子則舍之若往則吝而窮困也

求而往明也

初九能求六四而自内往外以就之初乃剛正賢明之人也

屯其膏施未光也

程子曰膏

澤不下是其德施未能光也

泣血漣如何可長也

程子曰屯難窮極如此其能長久乎

傳三之三凡七十三字難乃旦切舍音捨施申志切註解音蟹欲解如字

山下出泉

此釋坎下艮上也艮之畫象山兩山之間流而為川者人所可見之水一山之下出而為

泉者人所不見之水山下謂山腹之下非山麓之側也後凡言山下者皆同

蒙

此重卦之名蒙猶人之童

穉也泉之初出潛伏山下未達于外不污不滑亦猶人之童穉良知良能蘊蓄於內未為外誘所汚滑者故山

下出泉之卦名為蒙也

君子以果行育德

果行象出泉育德象山下行謂身之所行德謂

心之所得君子之動也勇於義以果毅其行象內泉之涓滴而決導其流於外也君子之靜也主於敬以養育其德象外山之包藏而渟涵其源於內也徐氏幾曰蒙未有所適體坎之剛中以果其行而達之蒙未有所害體山之靜止以利用刑人以正法也

刑人者正其法以示懲戒也

子

克家剛柔接也

接謂交際五之柔與二之剛接故能有助而使二為克家之子

勿用取

女行不慎也

行不謹慎謂不有其躬也

困蒙之吝獨遠實也

陽實陰虛獨遠

實者言獨遠於陽也項氏曰初三近九二五近上九三五皆與陽應唯六四所比所應无非陰在六爻中獨為

无陽之人童蒙之吉順以巽也

順以巽謂六五柔順以卑巽入從九二之陽也互坤順也

變剛成巽剛也利用禦寇上下順也

因其為寇禦而止之上之順也因禦而止遂不為寇

下之順也互坤之下畫為下順上九變為柔得坤之上畫為上順

傳三之四凡五十九字行不慎舊本慎作順朱子曰順慎古字通用荀子順墨作慎墨作

慎於經意尤切今從之行下孟切下同遠于願切註汚音烏滑音骨淳音亭遠於陽如字

雲上於天

此釋乾下坎上也坎在上卦象雲而乾在下卦雲上於天之上也

需

此重卦之名需

者待也雲上於天雖未成雨而雨可待矣故卦名為需

君子以飲食宴樂

君子之需待安

分樂天以俟時而已潘時舉問屯需皆陰陽未成雨之象然屯言經綸需言飲食宴樂者何也朱子曰屯之時齟齬艱難故曰經綸需是緩意他无所致力其義不同又曰事之當需者但飲食宴樂以俟其自至一有所為則非需也程子曰雲方上於天而未成雨猶君子畜其才德而未施於用也觀需雨之象懷其道以待時飲食宴樂所謂居易俟命也澄謂飲食者非謂醉醲飽鮮以奉已各因其自養之素如夫子之飲水蔬食顏子之一簞一瓢皆飲食也宴者身安而他无所營作樂者心愉而他无所謀慮也飲食則素其位而宴樂則不願乎外也飲食於上坎取象宴樂於下乾取象坎為酒飲也坎下一畫連乾上中二畫成兌食也乾陽之性上進而來

居於內有宴以安其身之象乾純陽陽
舒為樂樂天不憂有樂以愉其心之象
需于郊不犯難

行也利用恒无咎未失常也

程子曰不冒犯險難而行復宜安處不失其常雖不

進而志動者不能常也安靜自守志雖有須而恬然若將終身焉乃用常也

需于沙衍在中

也雖小有言以吉終也

衍者下平之地雖水所可及然猶在內卦之中則未至於水也

小者得此占如雖有言語之傷而終於吉若大者得之則始亦无言始終皆吉也

需于泥災在

外也自我致寇敬慎不敗也

朱子曰外謂外卦占得此雖若不吉然能敬慎處之

得其道亦可不凶或失其剛正之德又无堅忍之志則不能不敗矣需于血順以聽也

謂六

四柔順以聽從於九五也聽取坎耳之義

酒食貞吉以中正也

程子曰需於酒食而貞吉

者以五得中正也

不速之客來敬之終吉雖不當位未大失也

需上卦三爻皆當位下卦三陽初三皆當位雖有九二一爻不當位然剛而得中不以居陰位而失陽剛之道也大謂陽剛也未大失者於陽剛之道未為失也故下之三陽皆上六之所當敬

傳三之五凡九十二字樂音洛難乃旦切註居易以鼓切䟽食音似復宜扶豆切

天與水違行

此釋坎下乾上也水行而下天行而上其行兩相背戾是違行也

訟

此重卦之

名訟者爭辯也人情相順嚮則无事相背戾則有爭人情背戾若天水之相違爭訟所由起也故卦名為訟

君子以作事謀始

人情有始順嚮而終背戾者當順嚮之時始謀不能深遠輕信苟交及終

而背戾必生訟矣君子知其然凡所作事謀於其始不輕信不苟交事事謹審絕訟端於始則他日訟无由興

作事坎象謀始乾象坎水流行如有事作為
乾知大始能說諸心如始謀之高不可及
不永所事

訟不可長也雖小有言其辯明也

訟不可長猶彖傳言訟不可成小者柔弱

始雖受人誣毀其終也辯折既明則其言息矣所以吉也不克訟歸逋竄也自下訟

上患至掇也

項氏曰上兩句皆是爻辭下兩句方是象傳如需之上六象傳句法朱子曰掇自取

也程子曰自下而訟其上義乖勢屈禍患之至猶掇拾而取之也食舊德從上吉也

上食

之德者從乎上也項氏曰此從字與從王事從字不同復即命渝安貞不失也

程子

曰能如是則為无失矣訟元吉以中正也

元之吉者以其中正也

以訟受服

亦不足敬也

程氏曰謂其受服為可鄙

傳三之六凡七十七字竄于
斷切提端奪切註背音佩

地中有水

此釋坎下坤上也地猶人之肌肉水猶人之
血脉地中有水猶人肌肉中有血脉灌注之

也師

此重卦之名師者衆也以地之至廣而水之灌注
无不周徧猶人之至衆而將之統御无不管攝也

故卦名
為師

君子以容民畜衆

水之周徧能容土質故所畜
者廣君之寬弘能容其民故

所畜者衆衆者民之多言非止一民也能容民所以能
畜衆也項氏曰地之能固以其中有水也水所以畜地

君子之於民也浸潤之道深入乎其中所以能涵蓄萬
衆而不分也容畜屬坎民衆屬坤或謂有陽畫則陰為

民民益坎之二柔容民言內卦坤為衆畜衆言外
卦也澄案臨之容保民觀之觀民民皆指坤而言
師出

以律失律凶也

當聽律聲不吉則止
違律而行必取喪敗

在師中吉承天寵

也王三錫命懷萬邦也

方伯為諸侯之長得專征伐有功而受三錫之寵萬邦諸侯見

之知有功必賞則无不懷德者矣

師或輿尸大无功也

大謂陽指九二也輿尸之敗雖

在六三然九二為主帥偏裨之喪師即主帥之无功故曰大无功也城濮之戰楚左師右師敗唯子玉之中軍

不敗然子玉帥也故敗師之罪子玉當之

左次无咎未失常也

程子曰見可而進知難而

退師之常也如四退次乃得其宜故未為失也

長子帥師以中行也弟子輿尸

使不當也

程子曰二以中德受任以行若復使其餘是任使之不當也其凶宜矣

大君有

命以正功也小人勿用必亂邦也

大君有開國承家之命者以此恩賞正軍

旅之功也受此賞者必有位之君子或大夫有功而命之為諸侯或士有功而命之為大夫皆非小人无位者

所得與故小人得此占則勿用蓋諸侯為一邦之君大
夫為一邦之臣使之治其邦也若以小人為之則上之
所命非其人下之所處非其據
不能治其邦必至亂其邦矣

傳三之七凡八十四字長知兩切註
喪息浪切復使符后切得與音預

地上有水

此釋坤下坎上也

比

此重卦之名相比而無間者莫如地上之有水故卦名為比

先王以建萬國親諸侯

大古之時凡是立法定制世守不變之事則稱先王坤為衆為

土萬國象地諸侯布其上象水震為諸侯坎之一君統
二民與震同也先王知民之不可无所比也故分土分
民建為萬國各以君治之故有諸侯諸侯為父母而子
其民則萬國之民各親其君如父母君民之情一體无
間如水地之相親比也國分為萬者以
民之多也侯曰諸侯者非止一君也
比之初六有他

吉也

有他者无

比之自内不自失也

自謂己也六二不自失中正之道故

人之比之者自内而始未有内不相親比而能使外人相親比者也

比之匪人不亦傷乎

雖有中正者比之然已不中正非人也必自取凶禍不亦可傷矣乎

外比於賢以從上也

五賢而在四之上比於賢謂賢者比之也從上四順從九五也

顯比之吉位正中也舍

逆取順失前禽也邑人不誡上使中也

九五之位得正得中禽之逆我

而去者舍之順我而來者取之不誡者上之使民合於中道聽其自順不強其必從也

比之无首

无所終也

下四陰五之所比而上獨居後九五无上六猶人之无首下畫皆順從惟上畫在卦終而

逆命卦之无所終也

傳三之八凡七十八字
舍音捨註間居限切

風行天上

此釋乾下巽上也巽之畫在天象風在地象木天无處不在无所謂上下也天上者遠非

人目力所及者而風上行焉

小畜

此重卦之名風者陽包陰在内陰少乎陽又行乎天上則既有包陰

之陽在其外又有天之陽在其内内外之陽甚多所包畜之陰甚少故卦名小畜

君子以懿文

德

懿美也如仲山甫之懿德柔嘉維則令儀令色小心翼翼也文如柔來文剛剛上文柔之文懿象巽之一

陰德象乾之三陽風行天上其所藏畜者風中之一陰甚少也然中一陰而内外陽有離卦文明之體以一柔

而文五剛君子之以懿而文其德者象之項氏曰懿者小德之名君子以小懿而文大德雖不若前言往行啓

發培養之多然而和氣愉色婉容令辭所以輔成其德者不可廢也

復自道其義吉也

舍能

己所獨應之陰則不徇人欲之
私而合天理之宜所以吉也
牽復在中亦不自失也

五陽共畜一陰私於陰則為自失初居剛既能不自失
矣二為初所牽連而復者以其在下卦之中故雖居柔

而亦不自失也
夫妻反目不能正室也
非正應而欲以四為妻
不能正室家之道也其

反目也
宜哉
有孚惕出上合志也
出外而上與
九五合志也
有孚攣如不

獨富也
五之能攣四也不獨有
其富而與四共之也
既雨既處得積載也君

子征凶有所疑也
此柔能勝剛之時也有所疑者疑君
上九之剛為柔孚六四之柔得載矣

子之不可有行也既雨既處得積載也如訟卦九二
象傳例上舉爻辭下文有所疑也四字乃并釋其義

傳三之九凡六十九字得積載舊本
得作德因經文誤而誤也註含音捨

上天下澤

此釋兌下乾上也兌之畫象澤卑下之處水瀦而不流者曰澤其大者海也

履重

卦之名履謂足之所踐也地之上有天下有澤人在其中履也故卦名為履

君子以象上下

定民志

辨謂分別也天不可以為澤澤不可以為天人之有上下之分亦猶是也分別上下之分以示

民則民之志有定而无僭踰上象乾乾天下象兌澤辨象互離在中民象互離中之一柔定象一柔處三介乎上下履二承四上不至九五上九之天下不至初九地之澤也程子曰古之時公卿大夫位各稱德士修其學學至而君求之農工商賈勤其事而所享有限故皆有定志後世自庶士至公卿日志于尊榮農工商賈日志于富侈億兆之心交驚於利天下紛然如之何其可一君子觀履之象而分辨上下使各當其分以定民之志

也素履之往獨行願也

以獨行其志為願非他有所願也

幽人貞吉中

不自亂也

范氏大性曰剛中故不以乘剛之柔亂其意

眇能視不足以有明

也跛能履不足以與行也啞人之凶位不當也武人爲

于大君志剛也

目之眇者雖猶能視豈能如不眇者之明乎足之跛者雖猶能履豈能如不跛

者之行乎項氏曰眇跛六之柔也能視能履三之剛也程子曰陰柔之人其才不足視不能明行不能遠以柔居三履非其正其能免於害乎所以被啞而凶也澄案剛謂上九六三欲爲大君效力志在從上九之剛也志剛如咸卦象

愬愬終吉志行也

畏懼禍害而終獲其吉者其志之得行也

履貞厲位正當也

位正而當所處必得其宜不至於貞失履之事而厲爻辭示戒焉爾彖傳

所謂不疚光明足以見九五之善矣又安有貞厲之事哉

元吉在上大有慶也

大謂陽剛

元德之人終喪盡禮所以吉也大釋元有慶釋吉

傳三之十凡八十八字註別彼列切分扶問切稱充證切賈音古驚榮幕切

天地交

此釋乾下坤上也天在上而其氣下降以交乎地地在下而其氣上騰以交乎天

泰重

卦之名泰者流通无滯也天地之氣交而上下流通故卦名為泰

后以財成天地之道

輔相天地之宜以左右民

后君也天子諸侯之通稱此謂天子也財裁通乾陽不

可以无陰坤陰不可以无陽必二氣交通於上下而後為泰人君參贊於其中亦必有以交通之而後能納民於泰也渾然而全者天地之道則自其全者裁制而成之以品分大德之一本截然而分者天地之宜則因其分者輔助而相之以曲全小德之萬殊全者分之分者全之亦交而通之之意民者坤也左右之者乾也坤上

者民之情達於上乾下者左之右之
之德至於下也此君民之交通也

拔茅征吉志在外

也

在外謂應四蔡氏曰應陰陰
為民君子在內則思澤乎民

包荒得尚于中行以光

大也

項氏曰泰之所以成泰者以九二六五上下
相交也程子曰言如此則其道光明顯大也

无往

不復天地際也

徐氏幾曰乾坤相遇之際泰
否反復之機在此可不戒哉

翩翩不富

皆失實也不戒以孚中心願也

失謂不得四翩翩向下
雖不富而其鄰肯從之

者蓋三陰皆不得陽而欲下求也不待期約而以其相
孚之人同下蓋二陰亦下求陽各出於其中心之所願

以祉元吉中以行願也

謂柔得中而行歸以應剛
者乃其心之所願欲也

城復

于隍其命亂也

泰極而否治極而亂矣程子
曰雖其命之亂不可止也

傳三之十一凡八十二
字相息亮切左右去聲

天地不交

此釋坤下乾上也地不交天而氣否

此重卦之名否

者閉塞不通也天地之氣不交而上下隔絕故卦名為否

君子以儉德辟難不可榮

以祿

上下隔絕之時君子惟當在下以儉約為德而避免禍難在上雖欲榮之以祿而不可儉德避難者

安處下坤而此不交乎上不可榮以祿者遠絕上乾使復不能以交乎下蓋法天地不交之象也儉德者守坤

之儉嗇避難者就坤之平順祿者天祿不可榮者不居乾之崇高儉與奢對陰虛而貧則儉陽實而富則奢榮

與辱對天尊而貴則榮地卑而賤則辱否之時寧貧毋富寧賤毋貴故居儉而辭榮也項氏曰儉德避難不與

害交也不可榮以祿不與利交也不可榮者言不可得而榮非戒其不可也

拔茅貞吉志在

君也

泰初九應六四六四陰也民也初之陽志在澤民不獨善其身而兼濟天下故曰志在外否初六應

九四九四陽也君也初之陰志在承君大人否亨不亂不自植私黨而同仕公朝故曰志在君

羣也

程子曰大人於否之時守其包羞位不當也位不正節不雜亂於小人之羣類當者

不得其正也

有命无咎志行也

謂其濟否之志得以行也

大人之吉位正

當也

程子曰有大人之德而得至尊之正位故能休天下之否是以吉也无其位則雖有其道將何為乎

故聖人之位謂之大寶

否終則傾何可長也

程子曰否終則必傾豈有長否之理

傳三之十二凡六十二字辟皮二切難乃旦切註遠于院切

天與火

此釋離下乾上也離之畫在地象火而在天象電象曰天在上而火之性亦炎上天與之同故

曰天同人

此重卦之名在上之天與炎上之火同人之相同者亦如天與火之相同故卦名同人

君子以類族辨物

天之所生各族殊分法乾覆之无私者於殊分之族而類聚其所同異中

之同也火之所及凡物均照法離明之有別者於均照之物而辨析其所異同中之異也族言人物言動植之

屬

出門同人又誰咎也

又誰咎者又誰得而咎之也

同人於宗吝道

也

所同者私狹而不公廣其道為可吝也

伏戎于莽敵剛也三歲不興安

行也

項氏曰言敵剛恐人誤以為攻二也程子曰所敵者五既剛且正其可奪乎故畏憚伏藏至於三歲

不興終安能行乎

乘其墉義弗克也其吉則困而反則也

項氏曰恐

人以弗克攻為力之弱故釋之曰義弗克也又曰困而反則也澄謂九四之力敵五則不足攻二則有餘其弗

克攻者知義之不可而止故云義弗克非力弗克也因
謂於義不通也程子曰以其義之弗克困窮而反於法
則也二者衆陽所同欲獨三四有爭奪者二爻居二五
之間也三以剛居剛故終其強而不能反四以剛居柔
故有困而能反之
同人之先以中直也大師相遇言相
義能反則吉矣

克也

直即正也六二於先而號咷者以中正遠同中正
之九五不肯近同強暴之九三故也及九五用大

師而後二與五得相遇者言九三欲克五奪二不能敵
九五之大師而始受克於五也九三先欲克五九五後
乃克三故
同人于郊志未得也
言相克
无可同之人
故志未得

傳三之十三凡八
十字註別彼列切

火在天上

此釋乾下離上也火之體隱而不見麗於物
以為體者昔燧人氏之世有火麗空而明蓋

火見其體於空中也火在天
上者火見其體於天之上也

大有

此重卦之名文王名卦凡曰大者皆謂陽

剛夫子大象則取大小之義唯天為大在天成象者不
一火在天上則皆能照及是火之所照者大而多有也

與在地之火所照不逮於
寡少者不同故卦名大有

君子以遏惡揚善順天休命

火之所照能分別善惡而天道福善故於善人則必福
之以休美之命君子既能如離火之分別善惡矣而惡
者則抑遏之善者則舉揚之所以順上天福善之休命
也分善惡屬離休命屬乾遏揚又屬乾順又屬離火之
別淑慝蓋以順天之所休天之有禍福蓋以遏揚
火之所照命言休而不言咎者遏惡亦以揚善也

大有

初九无交害也

言因无交而有害也

大車以載積中不敗也

車大則能

勝重載故載雖多積於中而車行
不至於敗占之所以往无咎也

公用亨于天子小人

害也

小人得此占則不利也

匪其彭无咎明辨哲也

以離明辨別事理而能照

晰故知盈滿之戒而不處其盛也朱子曰哲明貌

厥孚交如信以發志也威如

之吉易而无備也

孚信於九二賴其剛以啓發已之志故不過於柔而威嚴可畏也威如而

後吉者蓋居尊不可太柔太柔則人將易之而无畏備之心也

大有上吉自天祐也

天錫

之祐謂君至大有之上其占所以吉者蓋居上應天是自天而祐之也

傳三之十四凡七十九字皆

先的切處敬呂切易以致切

地中有山

此釋艮下坤上也 閏

謙

此重卦之名劉表曰謙之道降已升人者也

謂山之高而降之以居卑地之下地之卑而升之
以居高山之上有如降已升人之謙故卦名為謙

君子

以裒多益寡稱物平施

山在地中則高者降而下卑者升而上一降一升而高卑適平

矣物之多者裒取而使之寡猶降山之高而使之卑也
物之寡者增益而使之多猶升地之卑而使之高也一
裒一益而多寡適平矣稱物平施謂稱量物之多寡而
損益之然後所施均平而多者不偏多寡者不偏寡也
謙謙君子卑以自牧也

牧如牧牛之牧常常看顧不令亡失也程子曰自牧自處也

鳴謙貞吉中心得也

中心有得於謙而外發為聲也

勞謙君子萬民服

也

功勞及於天下之萬民而退讓不居宜其民之心服也萬民服謂有終而吉也萬民以卦之五陰言陰為

民萬者極言其數之多也以一封則五數為至多以天下則萬數為至多

无不利撝謙不違

則也

既无不利矣而又揭示其謙於下不違於謀之則也則謂理之當然可以為法者

利用侵

伐征不服也

不服謂上六上六應九三而居六五之上有三陵五之象然體順質柔非強抗跋

扈也但謙之時无有不附雖九三之大功亦止於下小大帖然獨上六自尊高而不屈下斯為不服之人耳如此則上六之罪不可以不侵伐而往正之蓋以五柔順得中之君人之視之易失之慢易若不略振威武則不及而非中矣然其侵伐也非進兵求勝也彼能服罪則已矣往正其罪有征无戰故曰征不服也

鳴謙

志未得也可用行師征邑國也

上六之志常欲自伸而不肯下人其鳴謙於九

三也畏其勲勞之大權勢之重不得已而然故曰志未得也其於六五之君也蓋如邑國之臣自為尊高而不入王朝故用師征之而可傳曰一朝則敗其爵再不朝則削其地三不朝則六師移之此先王行師征邑國

之制也

傳三之十五凡八十八字裒蒲侯切稱尺證切施申志切註稱量竝平聲慢易以鼓切

雷出地奮

此釋坤下震上也雷者地之陽氣薄於陰而有聲方陽氣之消而始生也則此氣在於地

中伏藏而无聲雷在地中是也及陽氣之長而既盛也則此氣出於地上奮發而有聲雷出地奮是也

此重卦之名豫者和緩悅樂之意陽氣伏藏於地久矣一旦發聲不急遽不慘戚故卦名為豫

先王以

作樂崇德殷薦之上帝以配祖考

凡作樂者以象其德也周之世德卑順抑

畏不務表顯既得天下之後作樂以象之然後昔之遵晦自卑者今見其崇項氏曰崇德猶章德也澄謂樂聲之發象雷周德之卑順象地殷盛大也上帝即天也饗燕朝會祭祀皆用樂而其最盛者則以薦之上帝而又

以祖考配也謂冬至祀天於南郊而以祖后稷配季秋祀帝於明堂而以考文王配也上帝象上卦之震祖考象下卦之坤樂指九四一陽而言五上皆天也上者郊外所祀之天五者廟中所祀之天三祖也二考也初者武王之德也初與四為正應初六之德章於九四之樂聲則卑者升而崇二三與五上為敵應二三之祖考以薦九四之樂而升配五上之天也初六鳴豫志窮凶也小人之志窮極於其所喜樂也

朱子曰窮謂滿極

不終日貞吉以中正也

以其中正故能見幾而作也

盱豫

有悔位不當也

六三與六二相反者六二中正而六三不中正也

由豫大有得

志大行也

謂大者之志得行也即彖傳所謂剛應而志行

六五貞疾乘剛也恒

不死中未亡也

乘剛而有衰弱之疾則不能制強臣矣處上卦之中則天子之名位猶未亡也

冥豫在上何可長也

也豫既終極何可以長處此樂也故必改變其所已成者

傳三之十六凡七十七字註長而知兩切悅樂喜樂此樂音洛

澤中有雷

此釋震下兌上也雷者陽氣出地薄於陰而成聲澤中安得有雷哉易之六十四大象皆

實有非虛言也或求此卦實有之象而不得則以為虛試以人間所嘗有之事得於耳目聞見之實者言之嘗一人家白晝霹靂一聲自臺柱中出視之則有一龍飛去又一人家白晝霹靂一聲自鼓中出視之亦然蓋神龍所養已熟形質查滓銷盡俱无惟有一團純陽之氣莊子所謂聚則成體散則成胎者故能出入有无靜則潛於柱間鼓間而人不見動作衝破陰氣而成霹靂之聲也雷者陽氣所為此龍乃陽氣之聚其潛於澤中之時龍之所在即雷之所在也雷之與龍一也故震為雷亦為龍但地處之雷則地之陽氣所成而此澤中之雷

則龍之陽氣所成均是陽氣所成之雷然惟神龍能如此若凡龍則水獸爾不能為雷也神龍所居之靈湫其水清澈不容穢濁每喧污輒興隨此重卦之名水動而雲雨所謂澤中有雷者此也常流者也澤中之水

則止而不流雷動而有聲者也澤中之雷則靜而无聲以雷之動隨澤而靜故卦名為隨君子以嚮

晦入宴息

嚮如夜嚮晨之嚮晝為明夜為晦入謂居於內雷行天而動者也然亦有居澤而靜之時

是以人之動亦常有時而靜也君子晝則動以勤其事夜則靜以安其身故嚮晦之時入居於內而宴安休息謂夜而寐也人之寐猶雷之蟄也嚮晦象日在兌方而將晦入象震之在內卦宴息象震之動極而靜初二三震之動也二三四互艮動而止也官有渝從正吉也出門交有功不失

也近舍私係上從正應所以吉也不失謂初以九四為交則不失所可隨之人也異乎六二之失丈夫六三

之失小子係小子弗兼與也

二之中正非必果背五嚮初也但以其近比易於牽係儻

若係此則必失彼二者弗能兼與也故爻辭示戒云爾程子曰戒人從正當專一也

係丈夫志舍

下也

下謂初取四則舍初也

隨有獲其義凶也有孚在道明功也

天理之宜為義其義凶謂凶者固其宜也明功謂賢明之功即初九爻辭所謂有功也

孚于嘉吉

位正中也

二之位正而中故曰嘉也

拘係之上窮也

窮極也在上為隨之極故其固

結不解如此也

傳三之十七凡七十字舍音捨註近舍同背音佩易以鼓切

山下有風

此釋巽下艮上也地之理山為牡川為牝牝者水之所歸牡者氣之所行氣之行在山腹

之內故曰山下然有養物之氣有賊物之氣養物之氣
溫暖和緩烘烘如烝者謂之火賊物之氣冷清勁急拂
拂如吹者謂之風山下有風者也此重卦之名蠱敗壞
謂山腹之內有此賊物之風也也山下有風其氣賊
物內氣冷清則外壤枯朽其山崩圯
童禿草木之生不遂故卦名為蠱

君子以振民育德

蠱之象非美也君子以之則取其美風在內而能振動
外物則象之以振動其民山在外而能涵育內氣則象
之以涵育其德振者作興彼之善新民之事也育者培
養已之善明德之事也育德以山下取象與蒙卦同

幹父之蠱意承考也

陰柔宜能幹父之蠱哉然其意亦欲承父之志焉爾才雖不足意則

可嘉也

幹母之蠱得中道也

長女暫當家則少女專奉母得時中之道也

幹父

之蠱終无咎也

以陽剛幹父之蠱終不變為陰柔則終无咎

裕父之蠱往未

得也

往未得者
穉弱故也

幹父用譽承以德也

有柔剛適中之德
故能幹父而用譽

蓋以德而承父之志也初六六五皆才不足故初六之意承考其承之也有其意而已非有其才也六五之承以德其承之也以其德而已非以其才也夫承者固子道之宜然陰柔事親之道爾陽剛事親之道則異乎是啟賢能敬承繼禹之道此以賢嗣聖陰柔之道也善繼人之志善述人之事周公成文武之德此以聖嗣聖陽剛之道也

不事王侯志可則也

言其志之高尚
可為法則也

澤上有地

傳三之十八凡六十字註清七正切圮部
鄙切長女知兩切少女詩詔切夫承音扶
此釋兌下坤上也若西海北海

臨

此重卦之
名大澤之

上而有高地下臨
深海故卦名為臨

君子以教思无穷容保民无疆

教謂
教之

以義其教也思之所及深遠長久无有窮已之時容保
謂容保之以仁其容保也尺地一民皆被其惠澤无有
疆界之限教者允澤之所漸民者坤地之所有思如澤
之漸入於地中容保如澤之四周於地外无窮者如澤
水之不涸无疆者如坤土之至廣師卦以地水容
畜坤地為容民臨卦以允澤容保坤地為容保民咸臨

貞吉志行正也

陽在四而下感以臨初其貞吉者以君之志下行於民而得其正也

咸臨

吉无不利未順命也

陽在五而下感以臨二必如此而後吉且无不利者蓋以二陽雖長

四陰猶盛民未順君之命必自降下以感其民此盤庚之數于民而命衆悉至于庭者也

甘臨位不

當也既憂之咎不長也

以不正故為媚說之態先雖媚說而後能憂則始雖有咎而其

咎不長故可无咎也

至臨无咎位當也

四剛下初為至臨故初柔得以升四而當其位大

君之宜行中之謂也

以五之中而下行於二也

敦臨之吉志在內也

內二剛也志在順乎內之二剛以俟其進故吉

傳三之十九凡七十二字思息嗣切註漸茲僉切涸竭各切雖長知兩切媚說音曰

風行地上

此釋坤下巽上也

觀

此重卦之名風之徧行地上而游觀故卦名

為先王以省方觀民設教

巡省四方象風之行於地觀民俗之如何而設教以示之

觀民象風之吹萬不同設教象風之因萬竅而成聲方民坤之象教巽之象省之觀之者由上觀下也設之者

使下觀上也

初六童觀小人道也

程子曰所觀不明如童穉乃小人之分故曰小人道

也闢觀女貞亦可醜也

項氏曰婦人之目所闢者狹婦无公事所知者蠶織女无是非

所聞者酒食此在女德為不失
男子而寡見諛聞則可醜矣

觀我生進退未失道也

釋臨九二曰未順命謂二剛浸長而猶必俯就其民蓋
以四陰猶盛而民或未順君命也釋觀六三曰未失道
謂六三從六四同進消陽然觀六四而為進退四猶臣
順而三亦未失臣道也未順命慮之之辭未失道幸之
之辭未順言終不能以不順也未失言終不保其不失
也臨進為泰則未順者順矣觀進為剝則未失者失矣

觀國之光尚賓也

言上進以朝貢觀我生觀民也

五為

君四為五之民五觀四之所為
者觀民之向背逆順何如也

觀其生志未平也

小長盛

君子孤危上九自觀其身圖以免禍
其志未得帖然安平而无憂患也

傳三之二十凡五十九字註之分扶問切諛
音小浸長長盛知兩切朝貢音潮背音佩

電雷

此釋震下離上也電在前而雷繼其後也卦畫以下為先而上為後時之先後也卦象以上為前而

下為後位噬嗑

此重卦之名既開為電而有光矣又合之先後也為雷而有聲既開又合猶噬之而使開

者合也故先王以明罰勅法

明者辨別精審之意勅者整飭嚴儆之意明象電光

勅象雷威罰者一時所用之法法者平日所定之罰一時所用之允當者示平日所定之信必也故明其罰所

以勅屢校滅趾不行也

於初而屢校滅趾者未經鞫問其法之人以此拘留之令其不得行

去終獲噬膚滅鼻乘剛也

以至乘乘至近之剛故噬之釋免也易而膚滅其鼻也項氏曰他

卦以乘剛為厄噬惡者以乘剛為利二最易噬又乘剛焉如膚在齒上

遇毒位不當也

位

不當在肉為不正利艱貞吉未光也

初九以六二之易之臭味所謂毒也利艱貞吉未光也噬有易心焉遂至

滅鼻若九四之難噬則非可易者故戒

貞厲无咎得當

也

乾肉之堅難噬也故貞厲黃何校滅耳聰不明也

其由

耳之不聰不聞善言故
怙終極惡以致受罪也

傳三之二十一凡五十三字電雷舊本作雷

電程子曰象无倒置者疑文互也朱子曰當

作電雷今從之註別
彼列切易以致切

山下有火

此釋離下艮上也麗於物而其氣温暖者无體之火

山下有火者山腹之內有此无體之火也醫書六氣論
火分為二有君火有相火而以温暖之氣為君火炎暑
之氣為相火邵子謂火半隱半見蓋隱而无體者君火
見而有體者相火也易之以火為象凡十卦惟賁卦之

火是以貴此重卦之名草木暢茂而光華為貴古文書君火言曰貴若草木火者溫暖之氣能養萬物山下

有此火氣蘊藏於內則山上之草木暢茂貴然有光華故卦名為貴君子以明庶政无敢

折獄

朱子曰庶政事之小者折獄事之大者項氏曰貴之用可以明庶政而不可以折獄澄謂明者離之

明无敢者艮之止庶政又艮象猶山中之多庶物也折獄又離象猶火光之能照見也交互取象其明但可用

於艮之庶政止而不舍車而徒義弗乘也義弗乘六二

敢用於離之折獄也程子曰須隨順而動

就貴於所比之陰柔為非義也貴其須與上興也者繫於所附與上同

興永貞之吉終莫之陵也陵謂漸卑遠也九三與上九

則與六五同六四當位疑也匪寇婚媾終无尤也當居

其位非有可疑者也其始也初九疑之而不親其終也知其匪寇乃婚媾也則无尤之意而與之為應矣

六五之吉有喜也

聘幣之至可喜之事也

白賁无咎上得志也

復上

反為泰之九
二故得志

傳三之二十二凡六十八字折之古切註相火悉亮切半見大見賢遍切

山附於地

此釋坤下艮上也山高聳於地者也山之下址朽蝕銷圯則山之上頂頽塌陷下而附著

於地剥

此重卦之名程子曰山高起於地而反附著於地圯剥之象故卦名為剥

上以厚下

安宅

下謂民也宅謂君之所居也民在下為君之基猶地在下為山之基也地基厚於下則山安於上民

基厚於下則君安於上故居上者厚其下所以安已之宅也下者坤象宅者艮象厚者欲其如地安者欲其如

也剝牀以足以滅下也

滅與爻辭蔑字同義非滅沒滅息滅絕之滅剝其足者謂削蔑

其下也剝牀以辨未有與也

丘氏富國曰與應也凡陰陽相應為有與因九四應初六

言有與是也陰陽不應為无與并初六不應六四言无與是也咸六爻皆應則謂之感應以相與艮六爻皆不應則謂之敵應不相與剝之未有與者言當剝之時在上未有以應陰无以止陰之進也大凡小人為害使其間有一君子與之為應以遏止之則猶有所顧忌而不敢肆惟其未有與此剝道所以進長而不可救也聖人於此不謂之无與而謂之未有與蓋不忍陰柔之害正而猶冀有以止之也澄案丘說是也初六之剝足惟无與也故剝遂至於四使六二之剝辨而有與則剝不及五矣唯其未有與故剝遂至於五若六三之剝之唯其有與也上九之所以不剝也未有云者言六二之所未有至六三而後有也蓋傷有與之不蚤而僅能存一陽

也 剥之无咎失上下也

程子曰其所處與上下諸陰不同是與其同類相失於處剥之

道為无咎如東漢之吕強是也

剥牀以膚切近災也

程子曰剥及其膚切近於災禍也

以宮人寵終无尤也

程子曰羣陰剥防以至於極六五若能長率羣陰駢首順序獲寵愛

於陽則終无過尤也

君子得輿民所載也小人剥廬終不可用也

民謂五陰小人得之有剥廬之象雖卦已至終其占不可用也項氏曰協韻蓋用有以音

傳三之二十三凡六十八字註此部鄙切塌託合切著直略切進長長率知兩切

雷在地中

此釋震下坤上也一陽初生於地中未能為雷也而曰雷者春時之雷即此初生之陽所

為復也

此重卦之名復者還反也十月純坤陽氣消盡則无能為雷者矣為雷之陽初生於地中猶既去而

來還也故
卦名為復

先王以至日閉關商旅不行后不省方

關者四郊

之門至日一陽初生故閉關不開商旅不通行則外者不入內人君不巡狩則內者不出外蓋欲地上安靜以養地下初動之陽也至日震一陽之象閉關闔戶之象商旅者坤為眾之象行者震為大塗之象后者震為君之象方者坤為國土之象項氏曰外之人未可行內之君未可出皆象雷之在地也

不遠之復

以脩身也

程子曰不遠之復者君子所以修其身也學問之道无他也唯其知不善則速改以從善

而休復之吉以下仁也

六二陰變而復於善處已中正庇蔭及

人仁者之事也能使初九初復之陽依附以休息占之吉者以六二之仁而初九下之也下謂初九處六二之下尊之使在上也舊註皆以初九為仁而六二下之案他處凡言下者皆謂在其下也彖傳隨卦剛來而下柔

初剛在二柔之下也咸卦男下女艮男在兌女之下也象傳屯初九以貴下賤初九貴六二賤而初九在六二之下也未有在其上而曰下者復之六二處初九之上而曰下仁與他處所言之例不合註家之意欲尊初九一陽之復不知中正之六二變剛為二陽之復尤可尊也頻復之厲義无咎也頻雖有厲復則能補過矣故中行獨復以從道也道者所行之路也遵其故道而於義為无咎也

還曰復獨復者以其在五陰之中敦復无悔中以自考獨能從初九所行之道而上也

也考成也程子曰五處中而體順能敦篤其志以迷復中道自成可以无悔自成謂成其中順之德

之凶反君道也

反字與彖傳剛反同人象傳困而反則序卦傳窮上反下古文尚書乃反商政

之反同上六之迷其失君道久矣其復者欲復反於君道也然為君之道甚難既失豈易復哉迷而後復雖欲

反于君道其
凶莫可救也

傳三之二十四凡六十
九字註豈易以鼓切

天下雷行

此釋震下乾上也言普天之下雷之行无不徧而六合之內物之衆无不聞也案卦之有

雷者凡十五二雷及與雲雨電風竝者共七卦皆言其名而不言其處澤中地中雖言其處然无聲之雷也山下天上雖是有聲之雷然一則幽潛而未及一則亢極而已過至若澤上之雷間或有之而不常有皆非可以人間常聞之雷一槩論有其聲有其處人間所常聞者惟山上之雷出地之雷天下之雷三象而已山上出地之雷此處所聞他處不徧聞也雖二雷之海其聲不過百里之遠唯天下雷行則是雷徧行於天下而无一處之不聞與風行地上之象同彼謂風徧行於地物與无之上而无一處之不被也故唯二象以行字言

物與无

妄

此重卦之名而加以物與二字者无二字則辭義不達也物兼人及動植而言普天之下雷皆徧行无一

物不聞其聲聞之者雖庸愚之人莫不恐懼而心无妄思身无妄為有知无知之物一同驚駭振動而无有所

私皆无妄也是物物而與先王以茂對時育萬物茂懋之以无妄矣故卦名无妄

勉之意上奉天時以行政令使无一民不得其所无一物不遂其生也天有四時萬物出乎震故時屬乾萬物

屬震上之時而對之以在下之无妄之往得志也得志震下之物而育之以在上之乾

字程子曰誠之於物无不能動以之修身則身正以之治事則事得其理以之臨人則人感而化以无妄而往

无不得其志也不耕穫未富也富謂陽實也二陽未實往資於

心故以不耕示戒雖不耕而終必有穫者蓋以其未能如陽實之富必至有穫而後可以為富也項氏曰小畜

九五富以其鄰泰六四謙六四不富以其鄰升上六消不富也皆以陽為富陰為不富无妄之六二進於陽矣但未純耳故

行人得牛邑人災也

其得者无妄之福其失者无妄之禍以无

妄之人居无妄之時災福非可以妄而致也

可貞无咎固有之也

六三之為无妄者已

无一善可稱賴上下夾持之益而不至於妄若九四之可貞无咎則其剛實无私之善乃已固有之而非資於人也

无妄之藥不可試也

試猶用也不可試者深戒其用藥治療也

无妄之

行窮之災也

朱子曰上九非有妄也但以其窮極而不可行爾

傳三之二十五凡六十二字

天在山中

此釋乾下艮上也天无處不有凡虛空處皆天也高山之下崑洞之中隔絕人世而其中

空曠可見日月有晝有夜方外之人謂之洞天者是為天在山中也

大畜

此重卦之名天至大之物而藏

畜於一山之中是其所藏畜者大也故卦名大畜

君子以多識前言往行以畜

其德

識猶記之於心德大於前言往行猶天之德猶山也以外之所聞所見而涵養其中至大之德猶山

在外而藏畜至大之天於中也前言往行象山中寶藏之多德象天之大有厲利已不犯災

也

程子曰有厲則宜已不犯災危而進也

輿說輶中无尤也

程子曰輿說輶而不行者

蓋處得中道動不失宜故无過尤也善莫善於剛中柔中者不過柔爾剛中中而才也初九處不得中故戒以有危宜已二得中進止自无過

利有攸往上合志也

程子

曰上九與三合志上進也

六四元吉有喜也

元德之人能以陰柔遜其功有可喜者也

六

五之吉有慶也

剛在外而主夫柔柔在下而

何天之衢

道大行也

天謂陽剛言陽剛之道得行也

傳三之二十六凡六十二字
識音志又如字往行下孟切

山下有雷

此釋震下艮上也山內為陽氣所包故多雷
每遇天陰雨時山下懸崖絕深之處陽氣轟

隱而出俗謂之雷
是為山下有雷也

頤 此重卦之名山下崑洞天陰雨之時雷聲殷殷在其中山側有穴如

人頤口象而雷自中出騰騰以上於天是山下
有口如人之頤為雷所出入之處故卦名為頤

君子以

慎言語節飲食

人之言語自口出飲食自口入觀象於
頤而慎節之者朱子曰諺云禍從口出

病從口入項氏曰慎言語象雷之藏聲節飲食象山之
生物澄謂卦體中虛象口而義則為養雷者氣也震在

內而口向外故慎其自內出外之言語以養氣山者形也艮在外而口向內故節其自外入內之飲食以養形

觀我朵頤亦不足貴也

程子曰自我為可賤也項氏曰亦不足貴者示其本貴也

六

二征凶行失類也

類謂初九同體比近乃其類也近舍初九而行求上九則失其類矣所求

者非其類所以凶也

十年勿用道大悖也

大謂上九之陽六三小人不謂上九之陽六三小

與上九養賢之道相悖戾也

顛頤之吉上施光也

程子曰顛倒求養而吉者蓋得剛陽

之應以濟其事致已居上之德施光被于天下吉孰大焉

居貞之吉順以從上也

六五

之但能居貞而吉者蓋柔順以從上九而求養者爾非陽剛之才能自養且養人者也故不可以動而有為

由頤厲吉大有慶也

陽剛之大能養已以養天下已與人俱有福慶也

傳三之二十七凡六十四字施
申志切註殷倚謹切舍音捨

澤滅木

此釋巽下兌上也木生在澤木高澤卑澤水漲
溢浸過木杪滅沒其木則澤高出於木上而木

低入於澤下矣

大過

此重卦之名澤之水滅沒其木是
水之大過於常時也故卦名大過

君子以

獨立不懼遯世无悶

君子大過人之事其獨立不移也
如木在水中挺特而不傾敎其遯

世不見也如水過木杪淹沒而不呈露不懼於內而无
悶乎外猶木不動搖而任水之淹浸也蔡氏曰獨立不
懼巽木象遯世
无悶兌說象

藉用白茅柔在下也

柔而又在下
故畏謹過甚

老夫

女妻過以相與也

相與相應也二五應位本不相應因
二變柔遂相應而為夫妻其相與之

情過於常也

棟橈之凶不可以有輔也

車輻之弱則縛木於
兩旁以為輔九三之

有九二如車輻之有輔也。可以培補其橈處。棟隆之吉。而三不受益。輔无所施。故云不可以有輔也。

不橈乎下也

下謂初也。不橈乎下。謂不因下之弱而至於橈也。蓋九三之橈。以在上正應之弱。故

九四之橈。以在下正應之弱。然三不得二之輔。則遂以。上之弱而橈。四能得五之輔。則不以下之弱而橈也。象傳於三不言橈。乎上於四。枯楊生華。何可久也。老婦士不言有五之輔。互相備也。

夫亦可醜也

程子曰。枯楊而生華。安能久乎。老婦而得士。夫亦為可醜也。

過涉之凶

不可咎也

與初皆為卑下。以事陽者。上六不幸而遇凶。其无咎。則與初一也。

傳三之二十八。凡六十。八字註下。見賢遍切。

水洊至

此釋坎下坎上也。洊再也。洊至者。一水至。又一水至也。

習坎

此仍義。皇八卦之名。而為

重卦之坎上加習字以別於八卦之坎舉此一卦為例而離震艮巽兌五卦不復加者可類推也

君子

以常德行習教事

始終如一之謂常一再不已之謂習常習以象二坎之重德行者德之行

教事者教之事德行者一君之所進修九二如此九五又如此常其德行也教事者二民之所視效初三如此

四上又如此習其教事也

習坎入坎失道凶也

程子曰柔弱无援而處不得當由習坎而

更入坎窞失道也

求小得未出中也

一陽未能出於中而脫險陷變為小陰則成坤順故

得所求

來之坎坎終无功也

用事則終必无功故勿宜用

樽酒簋贰剛

柔際也

五剛四柔相交際而結好也

坎不盈中未大也

二五皆取剛變為柔之義

蓋剛中而不能出險亦與陰柔同也九二之經曰求小得謂其求得而不免為陰柔之小也九五之傳曰中未

大謂其居中而未
能為陽剛之大也

上六失道凶三歲也

失道謂民而
敢乘君也

傳三之二十九凡六十字樽酒簋下舊本有
貳字案陸氏釋文无之今世所行張詠陸希

聲皆
同

明兩作

此釋離下離上也明謂大明日也作猶起也兩
作者一明起又一明起也古人言十日並出自

甲至癸為十日甲之旦一日出乙之旦又一
日出為並出此言明兩作猶彼言日並出也

離

此仍義
皇八卦

之名而為
重卦之名

大人以繼明照于四方

大人者有大德居大
位之人繼者先後相

續象二離之重明指中虛之二畫而言六二之明于下
地六五之明又上於天二明相繼也四方者指四陽畫
而言初為東三為南四為西上為北項氏曰繼明如言
聖繼聖程子曰凡以明相繼皆繼明也舉其大者故以

世襲繼

履錯之敬以辟咎也

項氏曰邪正錯然竝陳於前欲其敬者未論求福且

咎也

黃離元吉得中道也

程子曰元吉者以得中道也不云正者離以中為重所以

成文明由中也

日昃之離何可久也

程子曰日既傾昃明能久乎明者知

其身然故求人以繼其事退處以休

突如其來如无所容

也

亂臣賊子人人得而誅之无

六五之吉離王公也

繼

而照四方上則麗于一王

王用出征以正邦也

邦謂侯國征者

所以正不臣

傳三之三十凡六

十二字辟皮二切

易傳纂言卷三

欽定四庫全書薈要卷三百五十二

經部

易傳纂言卷四

元 吳 澄 撰

象下傳

山上有澤

此釋艮下兌上也山頂之上而有容水之澤也

咸

此重卦之名澤在上而水下潤於山

山在下而氣上蒸於澤此二氣之交感也故卦名為咸

君子以虛受人

澤虛容水於上以虛

而能受在下山氣之蒸山虛含氣於下以虛而能受在上澤水之潤故君子象之而以虛心受人之諫教也上六之耦澤之虛也四五之實所受山氣之蒸也初二之耦山之虛也九三之實所受澤水之潤也

咸其

拇志在外也

外謂四四之志不在初而初之志則在四初善矣

雖凶居吉順不

害也

順謂順理靜守以俟正應為順理

咸其股亦不處也志在隨人所

執下也

隨人謂隨己之人范氏大性曰處止也艮之德止而今不能然二欲從三三亦志於得二三居

二之上故云所執下也艮體在他卦近又亦不相取而此不然者居感之時故也

貞吉悔亡未

感害也憧憧往來未光大也

凡相感以情者利相感以偽者害四感初正應是相

感以情而未感於害者也若變其剛憧憧然與五相感則非公正无私之感未可以為充實有光輝之大也

咸其脢志末也

李氏鼎祚曰末猶上也志末者謂五志感於上也

咸其輔頰舌

滕口說也

滕騰通滕猶播也國風曰士也罔極二三其德離騷曰初既與予成言兮後悔遁而有他

所滕之口說蓋如此也

傳四之一凡

七十一字

雷風

此釋巽下震上也

恒

此重卦之名雷發聲於卯中收聲於酉中一年之間唯半年有雷風則盛

治之世五日一風或風多之時恒風者有矣雷不恒有而風恒有雷不兼風不能恒也雷而以風濟之則恒矣

故卦名

君子以立不易方

雷之起每歲各有方風之起八節各有方周則復始常然

而不易故君子之自立而不易其方者象之曰雷風所起之方雷則每歲不同風則每節不同非一方矣豈所謂不易者哉君子所立之方如此其可乎曰正如此也項氏曰立不易方方之所在則立焉非一方也程子亦曰恒非一定之謂一定則不能恒矣唯隨時乃常道也澄謂立不易象二五之居中方象初三四上之分布於外浚恒之凶始求深也

始謂卦之初畫猶婦歸夫家之始也始歸而即求深入不出以

相夫而克家者九二悔亡能久中也有悔而悔亡者以能常不

恒其德无所容也

不得以恒久其飲食之德者以

久非

其位安得禽也

非其位謂居柔丈夫以剛為有才

婦人

貞吉從一而終也夫子制義從婦凶也

以柔中順從一

此婦人正主事之吉也為夫子則當以剛裁制事理之

宜不主故常乃為男子之正主事若亦如婦人之從一

而終則振恒在上大无功也陰柔而振奮於上雖變為

凶矣也功也

傳四之二凡六十
字註相悉亮切

天下有山

此釋艮下乾上也

遯

此重卦之名山高有侵天之勢天行不息有似逃避而去之故

卦名

君子以遠小人而不惡而嚴

天行在上非有意於遠山而山止於下自不能

近此遠小人不惡而嚴之象艮二陰之浸長小人也乾三陽上進而遠去遠之也乾三陽之剛健嚴也下與艮之一陽合而為同類不惡也項氏曰艮為少男故小乾為君父故嚴遯尾之厲不往何災

也

以初長之陰往應上盛之陽豈能久應知其危厲止而不往則何有於災也

執用黄牛固

志也

堅固其志使之留止而不肯進也

係遯之厲有疾憊也畜臣妾吉

不可大事也

係於陰而不能去猶不去其疾而至於憊所以為厲係應陰柔所以為疾畜臣妾之

私恩不可為之大事也

君子好遯小人否也

君子雖與之和好而亦遯所以吉小人則

不能然所以否

嘉遯貞吉以正志也

以正主事為志而无私情也

肥遯无不

利无所疑也

疑謂滯礙於陰而為所惑也

傳四之三凡七十三字達于願切億步拜切

雷在天上

此釋乾下震上也天无上下以人所不覩處為上雷聲在天之上極其高也

大壯

此重卦之名雷聲卑下者陽氣猶弱也雷聲高亢者陽氣盛壯也故卦名大壯

君子以非禮弗

履

君子之非禮弗履唯剛健以動者能之禮者天之理而其用卑下乾在下之象也履者足之所踐如雷行

所過震在上之象也

壯于趾其孚窮也

窮謂征凶也以初之恃其壯而猛於進雖有九四之

孚牽引於前征行則必窮而凶也蓋曰雖其有孚亦必困窮

九二貞吉以中也

中則

不恃其壯而猛進也

小人用壯君子罔也

三之用壯非能如君子之罔也兩開其端一則

以戒一則以教也

藩決不羸尚往也

尚上也前行无所礙故得上進而往也

喪羊

于易位不當也

六居五為位不當變為剛則位當矣故喪羊而无悔也

不能退不

能遂不詳也艱則吉咎不長也

不詳謂不詳審藩籬之礙其前而乃很進也知

其艱難不可以進則吉矣是其殃咎不至於長也

傳四之四凡六十
五字註很休懇切

明出地上

此釋坤下離上也日西入於地
下則莫日東出於地上則旦

晉

此重卦之名日出地

上進進而上
故卦名為晉

君子以自昭明德

明德者離日之象自昭者出地上之象

晉

如摧如獨行正也裕无咎未受命也

獨行謂四不援而進之也正釋貞也

裕者不急於求四之孚故未進而受命於四也

受茲介福以中正也

以六二中正故能順

事六五而受其福也

衆允之志上行也

衆志同進故三與二陰進而上行也

鼫鼠貞

厲位不當也

以居柔故如鼠之伏於晝也

失得勿恤往有慶也

有慶謂陰

陽相遇合

維用伐邑道未光也

道未光釋貞吝

傳四之五凡

六十六字

明入地中

此釋離下坤上也

明夷

此重卦之名曰入地下而暗若明之遭傷然故卦名明夷

君子以蒞衆用晦而明

項氏曰明出地上君子以之自治明入地中君子以之治人明

而遭傷本非善事君子觀之皆為有用之以居人上
聰明睿知守之以愚使小人有所容君子得以自盡豈
非君子之善道哉蔡氏曰洊離象衆坤象用晦坤象明
離象澄謂洊衆者以離照坤也用晦而明者以坤養離
也君子于行義不食也然以義不當食而不食之也可食

六二之吉順以則也

六二以柔居中為順而有則故能
得強壯之馬以拯已之傷而有吉

也南狩之志乃大得也

以陽明獵陰暗
而有所得也

入于左腹獲心

意也

五入于四之腹者四
能得五之心意也

箕子之貞明不可息也

明雖
遭傷

而其明不以傷而遂息
故亦利於正主事也

初登于天照四國也後入于地

失則也

下之明登用于上則可以照四國不用而
使之入于地故在上者失其所法則也

傳四之六凡七十
一字註審知音智

風自火出

此釋離下巽上也邵子謂火為風蓋風者火氣之所化火能生風風自火而出也火盛則

其氣上衝其猛急飄揚者即風也

家人

此重卦之名屋下有火炊爨則屋上有風自突而出凡有外風

自內火而出者是其家人有

君子以言有物而行有恒

人之

家必竈有火而後突有風君子以家之本在身修身者必言有物而後行有恒言有物者言皆有實而顧其行也言有實則行自有恒而顧其言矣洪範五事一曰言屬火言有物如火之麗於物而傳故言之有物象火身所行之行如行地之風雷得風閑有家志未變也程子而其卦為恒故行之有常象風

之於志意未變動之前也志變而後治則所傷多矣

六二之吉順以巽也

六二自來得

坤順之中畫上九自二往成上家人嗃嗃未失也婦子

嘻嘻失家節也

嗃嗃而改悔則於治家之道未為失否則傷恩而失治家之節矣嗃嗃下不舉

悔字而有其意象傳舉富家大吉順在位也

順謂得坤順下畫在

位謂以柔居柔得其正位故能作配正家而致王之吉也

王假有家交相愛也

程子曰夫

愛其內助婦愛其刑家交相愛也

威如之吉反身之謂也

言反求諸身自治嚴肅故

下皆畏之非以威刑為威也

傳四之七凡七十一字行下孟切註其行行自之行故行竝同

上火下澤

此釋兌下離上也

睽

此重卦之名火氣炎上澤水潤下兩相睽異故卦名為睽

君

子以同而異

項氏曰睽非善事然有當睽者同而異是也二女同居同也其志不同行異也此人

道之當然其在君子則周而不比和而不同羣而不黨皆同而異也同人於異之中見其同睽於同之中見其

異同兌說之象也

見惡人以辟咎也

項氏曰初以四為惡人其見之也辟

其為咎爾非望其有所行也

遇主于巷未失道也

里巷之相遇雖非其所然所遇者正

應未為失道也

見輿曳位不當也无初有終遇剛也

三陽位六以柔居之

才弱不能進故輿曳剛謂上九也

交孚无咎志行也

敵應本不相與交既孚而初之志得

行於四所以无咎也

厥宗噬膚往有慶也

二剛噬五之柔則陰陽相合而有慶矣

遇

雨之吉羣疑亡也

六三者上九之正應也因九四之梗于前故上九之見六三疑其如負塗

之豕疑其如載鬼之車又疑其遭張弧之射其疑不一
故曰羣疑心疑則情不親矣故雖媾媾也而速遠之反
若寇然及九四之弧先張後說柔弱之三與強梗之四
既和則上九之羣疑俱亡而正應相求六三上九之睽
矣合

傳四之八凡六十
三字辟皮二切

山上有水

此釋艮下坎上也山上有澤者山上有水渟
之澤也山上有水者山上有川流之水也

蹇

此重卦之名山之峻已不可躋攀至山之上而水
之險又不可超越則不可行而進也故卦名為蹇君

子以反身修德

行有不得者皆反求諸已前遇險而外
不可行唯當靜止於內反求諸身以自

修其德也反身自艮取象陽止於外而回顧其內象反
身修德自坎取象陽在於中而坎水常流象中心修為

息之不
往蹇來譽宜待也
宜止於初而待不宜往也
王臣蹇蹇終无尤

也
安於義命終无所怨尤於人也
往蹇來反內喜之也
內謂六二九三反于下以親六

二而六二
亦喜之也
往蹇來連當位實也
六四雖當位然柔而虛九三之當位則剛而實

下連九三是得當位
而實者為已之援也
大蹇朋來以中節也
中節者謂九五居中之節

九五往外而居外卦之中故九三得以來內而居內卦之上九三之所以能來內者其由蓋以九五之得中也

往蹇來碩志在內也利見大人以從貴也
內謂六四貴謂九五

傳四之九凡五十九字案鄭本宜待下有時字蓋以叶韻故然離騷徑待與為期叶則不

添時字亦叶韻

雷雨作

此釋坎下震上也

解

此重卦之名雷動乎上雨降乎下則鬱結之氣解矣故卦名為解

君子以赦過宥罪

雷雨作而解散鬱結之氣則物被發生之仁君子以之解散囚繫之人則

人蒙寬大之恩過者震動之愆赦則縱之使去象雷之忽有遂无罪者坎險之惡宥則減之使輕象雨之潤漸而不剛柔之際義无咎也
以柔承剛與之交際而順九

二貞吉得中道也

不過剛而陰之難解得中道者能之

負且乘亦可醜也

自我致寇又誰咎也

負擔小人而乘君子之器非能為君子之害也彼自可醜爾為九四

之民所寇奪者彼所自取非人之咎也

解而拇未當位也

九四以剛居柔未當其位是未

能純乎君子也故有解而拇之戒若九二雖不當位而得中則能獲三狐而解其難脫然无所累也

君子

有解小人退也

近比之初三既有解則正應之五自退聽而三陰之難俱解也

公用射

隼以解悖也

陰不順陽悖也初三五之三陰九二解之於前既順乎陽矣唯上六一陰悖而未順

也至於終為九四所射而後得以解其悖也

傳四之十凡六十五字自我致寇舊本寇作戎晁氏曰其失自虞始虞前皆依爻辭作寇

解悖佳買切註難奴旦切未當當位竝去聲比皮二切

山下有澤

此釋兌下艮上也山之下有澤非山之邊側有澤也澤者瀦水之委非通流之川亦非有

源之泉所瀦者死水而已損

此重卦之名山下之澤潤上行而水漸減故卦名為損

君子以懲

忿窒慾

懲平之也窒塞之也忿氣之起如山之高慾心之留如澤之深朱子曰觀山之象以懲忿觀澤

之象以室慾項氏曰少男多慾少女多慾人之所
當損者唯慾與慾九思之終曰慾思難見得思義
已事

遄往尚合志也

尚上通上謂六四也往
益六四與之合志也

九二利貞中以

為志也

以其中為志而益六五
利在自守不宜行往也
一人行三則疑也

疑謂不專

一無所適從也繫辭
傳所謂致一是也

損其疾亦可喜也

有喜者初可喜
者四故言亦

六五元吉自上祐也

龜弗克違者
上九祐之也

弗損益之大得志也

大謂陽上九不損下而
能益上所謂得志也

傳四之十一凡五十
九字註委役偽切

風雷

此釋震下
巽上也

益

此重卦之名風雷皆氣也然風之聲
因物而後盛雷則其聲自盛奮迅之

威甚於風風得雷則增助其勢故卦名為益

君子以見善則遷有過則改

人之

益莫大於遷善改過遷善巽象巽在外於人之善見則遷之自外而益也改過震象震在內於己之過有則改

之自內而益也遷如風之行改在雷之擊朱子曰遷善當如風之速改過當如雷之猛

元吉无咎

下不厚事也

厚猶言重大也事作為之事也厚事即爻辭所謂大作也初九所以元吉无咎者蓋

下民小弱之力不能厚有所事大作為以益之必陽剛之才自上而來益下者也

或益之自外

來也

外謂九五

益用凶事固有之也

固猶故也凶事急遽不暇於求人上九不能下

益六三所謂益之乃六三舊時已所自有之者而非上九益之也

告公從以益志也

告

告之以求益之志而初九從之也

有孚惠心勿問之矣惠我德大得志

也

在下者受益而惠其心不待問筮而吉可知大謂初九之陽初九益之主德被于人人懷其恩得遂以已

益人之志也益之初九即損之上九皆一卦之主爻故象傳皆言其大得志

莫益之偏辭也

或擊之自外來也

偏者徇已而不益人之謂大學傳云辟則為天下僂辟即偏也六二之自

外來謂九五自外而來內以益六二也此爻之自外來謂上九自外而來內以擊六三也夫子之傳如此其明舊註猶且誤以或擊之為擊上九而不知其為擊六三也

傳四之十二凡七十
三字註辟匹亦切

澤上於天

此釋乾下兌上也凡海岸之上皆天也

决壞

而河水泛濫謂之河決海水湧起而高出
虛空謂之海決故澤上於天之卦名為决
君子以施祿

及下居德則忌

海決者災異非美事也君子觀其象既革其不美以為美又因其不美以為戒

海水上升則注漑于下故象之而施祿以及下人海水盈溢則湧出于上故象之而居德則忌滿盛或以祿為兌象德為乾象然兌澤祿也乾天亦祿也是兌之二陽乾之三陽皆可象祿乾健德也兌說亦德也是乾之三陽兌之二陽皆可象德施者自上而施以至於下故五而四四而三三而二二而初陽之祿施自五始而極於初蓋上之使施必使及於下而後止者欲其溥徧也居者自下而積以至於上故初而二二而三三而四四而五陽之德積至五止而不極於上蓋下之所積不使至于上而過高者忌其盈溢也項氏曰居訓積書之化居易之居業皆是不勝而往咎也陽盛之時陽居陽有戒漢人猶言居積

勿恤得中道也

得中則不恃剛而能惕能惕則有備故雖有戒而无憂也

君子夬夬

終无咎也

君子之夬夬也不恃其剛雖和於柔而終能決去之故无咎與壯而有凶者異矣

其

行次且位不當也聞言不信聰不明也

位不當謂以剛居柔故次且聰

不明謂坎耳塞其中而无不故能引進羣剛同決一柔然僅免咎而已於剛中之道未為光也

中行无咎中未光也

夬之主爻比近所決之柔以其

可長也

言一柔在上終不可以長久必為五陽所決去也

傳四之十三凡七十一字施申志切

天下有風

此釋巽下乾上也天下有風猶天下雷行言普天之下覆燾所及无一處不有此風也

姤

此重卦之名天之下處處有風則无一物不與風遇故卦名為姤

后以施命誥四方

風徧及乎普天之下猶君人命令徧及乎四方也命者
巽之命施者乾之所施詒者以乾九五所施巽九二之
命由中而達于四方也四方者繫于金柅柔道牽也程
下體之初三上體之四上也

曰牽者引而進也陰始生而漸進柔道方牽也繫于金柅所以止其進也柔色有魚義不及賓

也二之包中既有初之魚其義不能以及於九四矣其行次且行未牽也行未

使九四之行未能下就无魚之凶達民也九四陽君也初六陰民也

初不應四是君不能有其民而遠其民也九五含章中正也有隕自天志不

舍命也志者下之志命者天之命舍猶違也志壹動氣能致天命不違已也謂下之三陽一陰能致九

五之下臨而與之過也下有志於遇五故能致天命之不違已志志不舍命辭意與達民相似民之遠君由君

使其民之遠也故不曰民遠而曰達民天命之不違人
由人能使天命之不違也故不曰命不舍而曰不舍命
也始其角上窮吝也處上而窮極其吝者
時位則然非已之咎

傳四之十四凡六十六字遠于願
切舍音捨註覆孚豆切燾同冒切

澤上於地

此釋坤下兌上也澤上於地謂
澤中之水溢出岸旁地上也

萃

此重卦之
名西海北

海之濱澤上有地者為臨東海南海之濱澤上於地者
為萃蓋東南地勢卑下澤水溢出海岸淹浸平地萬有
餘里衆流之歸悉聚於此故卦名為萃君子以除戎器戒不虞除猶治也
又與儲通

蓄聚也戒猶備也虞度也不虞謂不虞度而至之事也
衆聚之時有備則无患故除治兵戎之器以戒備不虞
之事也兌西方金三四互巽巽木外有兌金戎器之
象坤平地无險阻可恃不虞之象坤能儲蓄兌能戒備

乃亂乃萃其志亂也

謂其志之擾亂也

引吉无咎中未變也

引

至久者固守其中而未變也

往无咎上巽也

上從九四以一陰入于二陽之下三四互成

巽體故曰上巽也

大吉无咎位不當也

雖是剛畫以其居柔則未可謂之大也

萃

有位志未光也

雖有陽位而未能得二之孚故其志未能光顯也

齎咨涕洟未

安上也

未能安於衆人羣聚之上也

傳四之十五凡五十
九字註度待洛切

地中生木

此釋巽下坤上也地中生木謂木根生於地中而未出土者也

升

此重卦之名木根既

生於地中漸而升以出土故卦名為升

君子以順德積小以成高大

項氏曰順

德坤也積小以高大巽也澄謂初六之柔小也積謂自下畫而始九二九三之剛大也自下升至于上高也成謂至上畫而終九三巽體之上畫也巽為高

允升大吉上合志也

上謂九三三之志欲

升初與之合志故與之易位而三得以遂其志也

九二之孚有喜也

有喜謂利且无咎也

升虛邑无所疑也

无所疑謂如入无人之境无所疑惑顧慮也

王用亨于岐

山順事也

六四坤之初畫為順九三近比六四能得坤之順德以事陰神也

貞吉升階

大得志也

大指九二剛畫而言應五而上升得志也

冥升在上消不富也

消不

富謂柔畫剛為息柔為消剛實為富柔虛為不富所謂冥升以柔畫之消而不富者在上也若剛畫息而富者升于上則為昭升而非冥升矣

傳四之十六凡六十三字以成高大舊本无成字陸德明王昭素皆云一有成字今從之

澤无水

此釋坎下兌上也水在澤之下是水漏于下而澤无水也

困

此重卦之名水下漏而澤上枯

乏悴之象故卦名為困

君子以致命遂志

君子處困窮之時凡事委之天命而必遂已志

苟不知命貪生趨利而改其志則何以為君子哉命自外至故致命以外兌取象志由內守故遂志以內坎取

象兌一陰乘二陽之上而得正命之出於天而正者也柔說於外有能委順之意坎一陽陷二陰之間而得中

志之厄於時而不屈者也剛實於內有能直遂之意

入于幽谷幽不明也

謂墮落在幽暗

不明之地也

困于酒食中有慶也

以其得中故有福慶也

據于蒺藜乘

剛也入于其宮不見其妻不祥也

剛謂坎之中畫不祥者死將至也

來

徐徐志在下也雖不當位有與也

下謂初志在於拯初也

其行徐有與謂與初為正應行雖徐終必能就初而拯其困也

艱跪志未得也乃徐有

說以中直也利用祭祀受福也

志未得謂居高不安中直即中正改正為直以

叶韻受福謂其中實也

困于葛藟未當也動悔有悔吉行也

未當者所

處未得其當也吉行者能行而去之則吉也

傳四之十七凡九

十四字註說音曰

木上有水

此釋巽下坎上也程子曰木承水而上之乃器汲水而出之象澄葉象傳言巽乎水而上

水此象傳言木上有水合彖傳象傳之義其為木器入水而承水以上无疑說者乃因彖爻有羸瓶甕敝之辭

則謂古人蓋以陶器汲而不以木器汲於是以木為轆轤桔槔井幹之屬然三物非入水者亦不可謂三物之上有水與象象傳意不協夫陶器木器皆可汲也何以知古人必用陶器而不以木器乎

井

此重卦之名丁

氏易東曰以木為器汲水而上井之用也澄謂卦名為井以此或云木杪抽水以上有井中汲水而上之象其

說雖巧而不

君子以勞民勸相

井之養人所及者衆君若舊說之安

之道勞者閔其勞而休息之也勸勤勉之意相助力也勸相者使之各勤勉以相助也商法八家同井共耕公田而已周則私田亦令通力合作出入相友守望相助疾病相扶持此皆勸相之法各相助力則民有休息之時勸相者所以勞其力也勞民取坎象水者萬物所歸故說卦傳曰勞乎坎勸相取巽象木本根生枝葉枝葉於二本根勸相之義坎之二柔民也中一剛動者而休息

柔力不足而能卑巽以下二
剛使之肯來助已勸之意也
井泥不食下也舊井无禽

時舍也

下謂在六畫之下井之上出者為可食之水其在下者為不可食之泥也舍不用也時所不用

非但人不食禽鳥亦不來也

井谷射鮒无與也

與謂應无應在上故无提挈之以出者

井渫不食行惻也求王明受福也

行惻者欲其得行故為之惻然也王之明

者則必見用而受福自渫於已即所以求之道所謂夫子之求之異乎人之求之也

井甃无咎

脩井也

修謂甃砌完整也

寒泉之食中正也

九五之冽寒而可食者以其中正也

元吉在上大成也

大指九三之剛而言上六能汲之至上故其陽剛濟物之功得以成也

傳四之十八凡六十六字勞林到切相息亮切舍音捨註其勞相養相助相友相扶如字

為之云
偽切

澤中有火

此釋離下兌上也海為大澤萬水所歸海之尾間名曰焦釜之谷水至其處如沃焦釜有

火在下消乾其水

革

此重卦之名水能滅火而水反為火所消以至多之水悉化而无有

皆改變其常也
故卦名為革

君子以治歷明時

此變革之至大者也
歷謂日月五緯之躔

次時謂春夏秋冬之代序推日月而後可定四時故治歷所以明時也治歷取兌象明時取離象治猶治水之

治俾軌道秩然而理如澤之衆流有歸明如火明之明俾氣候粲然而見如火之纖微畢照兌為巫史司歷必

有其官也離為日

鞏用黃牛不可以有為也

時在初位在下上无

應援不可以有為

己日革之行有嘉也

行釋征有嘉
釋吉无咎

革

言三就又何之矣

之往也即征之義九三不當往求上六之應惟當待上六來就已也又何

之謂又何待於往也

改命之吉信志也

改命而吉者二孚於四

大

人虎變其文炳也

炳者如火日光明也

君子豹變其文蔚也小

人革面順以從君也

九五應離中畫離為火為日故其文炳然如火日之光明上六應互

巽中畫巽為木故其文但蔚然如草木之茂盛不能如九五之炳然也小人則變為柔順以順從於君又不能如變為剛之君子矣

傳四之十九凡七

十字註消乾音干

木上有火

此釋巽下離上也以木入火則火然木而起高燄是為木上有火

鼎

此重卦之名鼎

烹飪之器以木入火而成烹飪之用故卦名為鼎項氏曰鼎之木上有火猶井之木上有水非井鼎之本形也水至木杪為滋液象水泉之上出火至木杪為華實象鼎氣之上蒸澄謂以木之滋液為水猶或可通以木之華實為火則

君子以正位凝命

正位者敬也凝命者信也容貌不敬則民慢政

迂僻甚矣
令不信則民疑正位取離象離為南面之位辭之恭已正南面是也凝命取巽象巽為命令疑者凝結而不可解謂命令之已出者不可輒改當堅如金石信如四時也二者象鼎之重固而不可遷也

鼎顛趾未

悖也利出否以從貴也

足反居上為悖逆以其出否故為未悖貴謂四妄賤而上從其

子之貴則非僭猶趾顛而傾出其中之否則非悖也

鼎有實慎所之也我仇有疾

終无尤也

鼎之有實如人之有道德者也慎其所往豈肯自輕而往求於上哉九二雖不即六五而

六五終无所尤於鼎耳革失其義也鼎耳在五卦之主也而變革居三失

其宜矣非改悔何能終吉乎覆公餗信如何也信實也言鼎中之實竟如何也鼎黃

耳中以為實也黃耳中虛故能受鉉以為實也玉鉉在上剛柔節也不

剛不太柔而適其宜為節

傳四之二十凡七十字

洊雷

此釋震下震上也一雷之後又一雷洊雷也

震

此仍義皇八卦之名為重卦之名

君子

以恐懼修省

懼甚於恐修省修而又省也君子初聞雷聲既恐而自修矣再聞雷聲愈懼而加省

焉蓋慮所修之有未至取重震之象也

震來虩虩恐致福也笑言啞啞後

有則也

恐謂競競致福謂致笑言啞啞之福有則謂不以恐懼而失其常度也

震來厲乘

剛也

柔乘初剛迫近雷威故危

震蘇蘇位不當也

所居之位不當故宜行而去之

震

遂泥未光也

震雷開而為雷則有光遂陷於泥則未能有離電之光也故曰未光

震往來

厲危行也其事在中大无喪也

上行下行皆危故曰危行有事者在固守其中

柔中居剛為大中故能有中而億无所喪也與六二之柔中居柔小而非大者不同矣

震索索中

未得也雖凶无咎畏鄰戒也

中未得謂九四雷震之聲遂泥而不得上達但能驚

懼在下之六三而已雖六五上卦之中與之比近且未得至況上六去九四益遠矣故其聲索索而盡也戒如予有戒心之戒月令有不戒其容止之戒同畏鄰戒謂因鄰之戒而知畏也

傳四之二十一凡七
十五字海在薦切

兼山

此釋艮下艮上也一山之外又一山兼山也

艮

此仍義皇八卦之名而為重卦之名

君子

以思不出其位

項氏曰兩雷兩風兩水兩火兩澤皆有相往來之理獨兩山竝立各止其所不

相往來人之至難止者心能使心之所思各止其位不貳不雜則可以言止矣位字又見艮上艮下之象澄謂

思不出其位者在下則思止於下艮其趾未失正也止能

在上則思止於上取重艮之象也

於下則位雖不當猶未至於失

不拯其隨未退聽也

二為

三之隨則當卑退而聽從於三今乃不然三所以不拯其隨者以六二自止其止未嘗退聽於三而為之隨故

也艮其限危熏心也

五非比非應而亦熏及之則其危甚矣

艮其身止諸

躬也

諸之於也躬謂膏肓間人鞠躬之處所謂止其身者止之於此處也

艮其輔以正中

也

中謂心也正口之輔者以此中心也正中蓋如文言傳龍德而正中舊本作中正朱子曰正字義文項氏

曰姚小彭氏云當作以正中於韻為協今從之

敦艮之吉以厚終也

以敦厚而居卦之終

也

傳四之二十二凡五十五字以正中舊本作以中正也今倒其文者從項氏所引姚小彭

氏之說

山上有木

此釋艮下巽上也

漸

此重卦之名山上有木木長一尺則山亦高一尺其進以漸不

能遽也故卦名為漸

君子以居賢德善風俗

居猶居貨之居謂積於內也賢德謂純美

之德善謂新美之使未善者善之風俗謂因風成俗進修已德轉移民俗皆非一日所能必以漸而至也積德

取艮山之象化

小子之厲義无咎也

項氏曰小子居之危厲不安但於義

无咎固大文

飲食衎衎不素飽也

素猶空也與詩素餐之素同待可進而進

非徒飽於飲食以自養而已

夫征不復離羣醜也婦孕不育失其道

也利用禦寇順相保也

羣醜謂初二艮之二民也詩曰從其羣醜九三徃四則離其民

矣四來居三則不得正位是失婦道矣順謂二柔初二柔之順能止九三一剛之動是能禦止坎之寇也使

三四不易位男女各安居而三四之有室有家得以相保如舊矣

或得其桷順以巽也

得坤下之順為巽下之風風勢順矣而猶以卑巽自處未欲高飛而上或欲擇桷而棲進之漸而不急也如此

終莫之勝吉得所願也

中正相應乃二五所願其合雖遲終得其所願也

其羽

可用為儀吉不可亂也

鴻飛之次序不可亂人以此兄弟之序其可為儀者此也有釋

儀為執鴻羽以舞者非也此言飛鴻之羽豈謂死鴻之羽哉

傳四之二十三凡八十二字善風俗舊本无風字今依王肅本離羣力智切

澤上有雷

此釋兌下震上也震雷象亦龍象神龍純陽之氣所聚潛於澤為无聲之雷神龍自澤起

則陽氣動而為有聲歸妹

此重卦之名神龍飛去出澤上澤水從下起立高湧如屋

從其所至而止如歸妹之從夫而動以歸于夫家也故卦名歸妹

君子以永終知敝

神龍

飛去則澤水湧起以從之龍既止澤水亦落矣龍之飛去者必止是其終之時也水之湧起者必落是其敝之

時也君子觀其象以物之有始必有終事之有新必有
敝故必先有以永之而不使至於終先有以知之而不
使至於
歸妹以娣以恒也跛能履吉相承也
恒常也歸

同歸者乃常事也六三之娣降為須如跛者之能履其
所以吉者往四而上承六五以同歸夫家也娣往承女

君女君受其**利幽人之貞未變常也**
幽貞自守待正配

承故曰相承**之須則未變易歸妹以須未當也**
娣降為須雖歸於夫

夫婦之常道也**能**
之以須之賤而不正未**愆期之志有待而行也**
古有殺

能與其君子相當也**帝乙歸妹不如其娣之袂良也其位**
禮而多

婚者此則必待**中以貴行也**
象傳例五之位在中中者德之貴以中德

之貴而行歸于夫家
不以外飾為美也

上六无實承虛筐也

手奉虛筐而无幣以實之

婚禮不成故也

傳四之二十四凡八十字註殺禮所戒切

雷電皆至

此釋離下震上也皆交也

豐

此重卦之名雷電同時而至威

威盛大故卦名為豐

君子以折獄致刑

折謂剖斷決之於已也致謂行用加之於彼也離為

獄震為刑折獄者其明如雷之威

雖旬无咎過旬災也

初與二遇

於初僅可在一旬之內過旬則為災矣遇者非正配合故也

有孚發若信以發志也

有陽明之人來孚信於已以開發其心志使之不昏暗也

豐其沛不可大事也折其

右肱終不可用也

沛之蔽雖輕於蔀然蔽雖輕亦不可作大事矣五居尊位如日麗天而照

臨天下此日不明如人之折其右肱終不復可用事矣

豐其蔀位不當也日中見

斗幽不明也遇其夷主吉行也

豐蔀見斗之象六二爻辭已有象傳不於六二

釋之而於九四釋之者蓋蔀象由九四而成四為蔀故二見斗二爻之象同而所重在四也位不當者謂位柔

而剛居之故奇畫連亘而似蔀若耦畫居此則位當而障蔽者開豁矣幽二也二在地為幽四蔀蔽天故二幽

暗而不見日之明吉行謂四若下行與二遇則吉也

六五之吉有慶也

但舉爻辭有慶二字

而不復言譽者取韻協也

豐其屋天際翔也闕其戶闕其无人自藏

也 六居上之位有小過飛鳥之象言上六之大其屋其高如鳥之翔於天際也九三乃上六家內之人自外

闕之而無人者三
自藏而不見故也

傳四之二十五凡九十二字折
之舌切註斷丁亂切傳直戀切

山上有火

此釋艮下離上也宿止山
上舉火炊爨故山上有火旅

此重卦之名旅
之字以外聚衆

言羣衆相從宿止於外也故行軍謂之旅非一人客寓
之謂舉火於內而人望見其突中之風則為家居之人
舉火於外而人望見其山上之光則為
旅次之人故山上有火之卦名為旅

君子以明慎用

刑而不留獄

離明將以明刑也然不恃其明而慎用謂
重之而不輕行刑也慎用刑者山止不動

之象艮止將以止獄也然不泥於止而不留獄謂出之
而不留在獄也不留獄者火行不處之象雖不恃其明
因慎用而刑不誤乃所以為明也雖不泥於止因不留
而獄遂空乃所以為止也推其極功則由慎用而至於

刑措由不留而至於圉空可也
旅卦之象而君子用之乃如此

旅瑣瑣志窮災也

柔而

居下其志猥陋故曰窮

得童僕貞終无尤也

有童僕之貞者在旅終无得罪於人之事

旅焚其次亦以傷矣以旅與下其義喪也

以已通焚其次已可傷矣

況又喪其童僕之貞者乎以旅之時而剛自五降三來與其下因上乾中畫之剛來內與下而互艮中畫之柔

往外居五此為喪童僕之義

旅于處未得位也得其資斧心未快也

未得位言五依四以居而四未得正位也故雖得資斧而心未快

終以譽命上逮也

謂上

六五在六二之上逮及也居上而能逮下故下即六二而有譽有命也

以旅在上其義焚

也喪牛于易終莫之聞也

以下之旅而其次在離火之上此為遭焚之義終莫之聞

謂終莫能知其牛之所在无處尋求而喪者不可復得也

傳四之二十六凡八十

六字註復得扶豆切

隨風

此釋巽下巽上也一風先倡一風後和二風相隨從也

巽

此仍義皇八卦之名而為重卦之名

君子以申命行事

巽風象命令為一事而出一命既出而又申命之則事之行不中止矣

取重巽之象也

進退志疑也利武人之貞志治也

進退者志之疑能如武人

之剛強則志治矣

紛若之吉得中也

得中故不過柔而能如事神者之卑巽以待人也

頻巽之吝志窮也

窮謂坎水之盡處志至于窮極之地而後巽也

田獲三品有

功也

有功謂益及上下也

九五之吉位正中也

位正中正而且中也

巽在牀

下上窮也喪其資斧正乎凶也

六四之巽雖在牀下以順承于上而九剛在上

當窮極之地故失下之心而不能有六四牀下之巽也正主事則凶故曰正乎凶也

傳四之二十七凡六十七字註和胡臥切為一云偽切

麗澤

此釋兌下兌上也一澤在內一澤在外二澤相附麗也

兌

此仍義皇八卦之名而為重卦之名

君子以朋友講習

二澤相滋潤之益如朋友共講習之益先已講而後又習焉取重兌之象

也和兌之吉行未疑也

蔡氏曰未牽於陰故未疑若四則有商兌之疑矣

孚兌

之吉信志也

以誠信之吉待六三也

來兌之凶位不當也

不中正故諂媚

以為說也

九四之喜有慶也

慶即喜也

孚于剥位正當也

位正當者中正

也故雖剥陽之陰亦能以誠孚之聖人并包兼容化小人為君子者一以誠心待之而已矣

上六引

兌未光也

引長已終之說於說之道為未光

傳四之二十八凡五十四字註說音曰

風行水上

此釋坎下巽上也

渙

此重卦之名水凝為冰風行水上則冰釋而渙散也故卦名為

渙

先王以享于帝立廟

天大无涯而神氣无不在渙散也享于帝者合其散於一壇人

死則魄降而魂氣无不之渙散也立廟以祭者合其散於一室天之神升上如在天之風故享帝取上卦巽風之象二三四互震為春時生萬物之帝則象祭者降在天之神于地上也人之魄降下如在地之水故立廟取下卦坎水之象三四互艮為廟初六之吉順也

則象祭者升在地之魄于廟中也

初六之吉順也

震馬坎馬

共有三柔得坤順之馬而拯渙也

渙奔其机得願也

自四奔就坎輿中之机而即所安是

得其所願也

渙其躬志在外也

三之志在四之躬而今則渙矣

渙其羣元吉

光大也

去柔羣而承剛君是其光輝之盛大也

王居无咎正位也

九居五者王居

其正位而不去也

渙其血遠害也

謂遠去坎血之禍害也

傳四之二十九凡五十四字遠云願切

澤上有水

此釋兌下坎上也

節

此重卦之名澤上有水水滿則澤不容水而溢出有限節也故

卦名君子以制數度議德行

制裁割也數度數之度蓋度起於數也議審訂也德

行德之行蓋行本乎德也數度節於外者也而取內卦兌澤象容受之淺深有則澤之數度也坎為矯輮則有

制之象焉以外坎制內兌之數度而節於外也德行節於內者也而取外卦坎水象晝夜之流行不息水之德行也兌為口則有議之之象焉以

不出戶庭知通塞也

知九二塞其前而不可出也

不出門庭凶失時極也

當其可之謂時中九二不出以

合於九五不得時宜甚矣初之知通塞知節者也二之失時極不知節者也

不節之嗟又誰

咎也

不節而能嗟則知節矣又何咎乎項氏曰小象又誰咎也凡三同人初九為褒辭解六三為貶辭節

之六三王弼從解沙隨程迥從同人澄謂程從同人者是蓋同人節是釋經文无咎又誰咎者言誰得而咎已解六三經文无咎字乃夫子自言其誰可以咎他人也誰字意同咎字一為人咎已一為已咎人

安節

之亨承上道也

上謂五也

甘節之吉居位中也

五之甘而吉者以其居上

卦三位之中也中
則不過而至於苦
苦節貞凶其道窮也
同象

傳四之三十凡六
十三字行下孟切

澤上有風

此釋兌下巽上也大澤之上常有風也

中孚

此重卦之名澤廣則風盛風施而澤

受兩相感應故卦名中孚

君子以議獄緩死

蔡氏曰議獄允象緩死巽象徐氏幾曰象言刑

獄者五噬嗑賁豐旅中孚也離有獄象又取離明照知情實中孚六畫之離噬嗑豐兼取震賁旅兼取艮非震動无以威衆非艮止或輕於用刑胡氏一桂曰噬嗑豐有離之明震之威賁次噬嗑旅次豐離明不易震皆反為艮蓋明賁无時不然威則有時當止中孚全體似離互體有震艮而又兌以議之巽以緩之聖人即象垂教仁哉五卦中文王唯於噬嗑取象夫子即噬嗑賁豐旅中孚以盡其義澄謂五獄皆離象離中虛外室有似圖

圖刑之用不用則自震艮而異震動也故其刑必用艮
止也故其刑不用噬嗑豐有震二卦皆用刑者也然噬
嗑之罪輕豐之罪重罪輕而人不在獄則薄罰其罪以
正吾之法而已罪重而人在於獄則明定其罪而加之
以刑也賁旅有艮二卦皆不用刑者也然賁之情重旅
之情輕情重而未明則須待鞫問而未可出獄情輕而
猶疑則雖未行罰而暫命出獄也蓋賁豐離獄在內者
其獄有人噬嗑旅離獄在外者其獄无人也四獄三畫
之離獄之小者中孚六畫之離獄之大者獄之小者可
罰可刑而非殺也噬嗑旅可罰之獄噬嗑已罰旅未罰
中孚死獄也死獄而互體有震又有艮則刑之用不用
未決故議之議之則非必死亦非不死緩之而已矣
議獄緩死者必誠求初九虞吉志未變也初上應九四
之故見於中孚之象

他從其子和之中心願也

五之孚二出於中心之所願
自然之應非彊非僞項氏曰

甚言其孚也否六四不戒以孚亦曰中心願也

或鼓或罷位不當也

位不當者陽位而柔

居之柔則不實豈能得人之孚哉

馬匹亡絕類上也

上謂九五絕六三同類之陰而上孚

於九五也

有孚攣如位正當也

位正而當故能得人之孚也

翰音登于天

何可長也

何可長者項氏曰聲聞過情其涸可立而待

傳四之三十一凡六十一字註彊其兩切聞音問

山上有雷

此釋艮下震上也

小過

此重卦之名山上之雷震於高處然其高不能及天上之

雷但能小過於出地之雷與澤上之雷而已故卦名小過

君子以行過乎恭喪過乎

哀用過乎儉

獨立不懼過世无悶乃大過於人之事恭哀儉三者雖過於人亦只小過於人之事

也行過恭取內艮下二畫之象用過儉取外震上二畫之象震艮自坤變上下四柔畫皆坤也躬行內事也止於下而象坤之吝嗇者用之過乎儉喪過哀取卦中二剛上而象坤之吝嗇者用之過乎儉喪過哀取卦中二剛畫之象喪者人道之終始非彊力勝喪者也三在內為情之終九四外卦之始二剛彊力勝喪者也三在內為情之哀四在外飛鳥以凶不可如何也

遭時如此非人所不能逃免也

不

及其君臣不可過也

上小過皆是陰過陽陽不敢過陰故上六過九三六五過九四九四雖

處初六之上亦不敢過初六獨六二處九三之下而使九三過之小過之時陽得過陰者唯此而已蓋所以明君臣之分也九三君也六二臣也臣不可以過君故甘處其下而不及也從或戕之凶如何

也

如何者謂其凶不可測知也

弗過遇之位不當也往厲必戒終不

可長也

陽居於四為位不當終不可長者言不可久
居上體之四宜退居下體之初而與初遇也
密

雲不雨已上也

已猶太也言陰太居上而不居下
若陰下居三則坎體全而成雨矣
弗遇

過之已亢也

言上六所居太高亢而
九三趨上以離其網也

傳四之三十二凡七十八字行
下孟切註勝音升分扶問切

水在火上

此釋離下

既濟

此重卦之名水在火上
兩相為用故卦名既濟

君子

以思患而豫防之

時雖既濟凡事當慮其後患而為之
先備有備則无患思者慮其後也豫

者為之於其先也患者謂如火之為災防者謂如防之
畜水項氏曰人之用莫大於火而火常生患善濟火者
莫如水思火之為患而儲水以防使水常在火上其力
足以勝之則其患亡矣是以君子修道立教設政舉事

知末流之生患必
皆有以防而濟之

曳其輪義无咎也

守正不急於濟也

七日得

以中道也

程子曰喪第七日當復得謂自守其中異時必行也

三年克之億也

億言

用力之疲困以見克之
之難而用兵非美事也

終日戒有所疑也

有所疑者於猶盛之時疑

其必有
敗壞也

東鄰殺牛不如西鄰之時也實受其福吉大來

也

時謂祭雖薄而當其可得其宜吉即福也大謂九五之陽來謂自外至內六二所受之吉福實自九五而

來
濡其首厲何可久也

何可久謂治安之久必至危亂也

傳四之三十三
凡六十九字

火在水上

此釋坎下離上也

未濟

此重卦之名火在水上不
相為用故卦名未濟

君子

以慎辨物居方

火能辨羣物照於上則其辨愈明水必居下方流於下則其居不忒故辨物常

如火之在上居方當如水之在下也同人辨物亦取離象項氏曰火在上為辨物水在下為居方必加慎字者

以其未濟也在濟之時且當思患豫防況未濟乎水火交則有難未交則未有難然難將生矣辨之不早居之

不得其所皆難之所由生也可不慎乎易終於未濟而始於屯其意深矣**濡其尾亦不知極**

也項氏曰極終也六五不能終濟使下有濡尾非但初六之罪然初六柔暗在下亦非能知終者朱子曰極

字未詳考上下韻亦不叶澄疑當作拯字或云極叶音競**九二貞吉中以行正也**守

故能行其正也**未濟征凶位不當也**未濟諸爻位皆不當而象傳特於六三言之者陰柔

居險**貞吉悔亡志行也**近柔中之君其志得行也**君子之光其暉吉**

也

項氏曰先儒謂暉為揮散非也暉者光中之氣管輅曰日中為光朝日為暉詩曰庭燎有暉周禮眡祲以

十暉為十暉澄案散暉及物為光斂光在體為暉故日中之日夜間之燎其暉散則為光朝日之日向晨之燎其光斂則為暉暉者亦光斂於體內暉光相為體用光及九二而暉在六五九二之光乃六五之吉也以其暉吉為言九

二者非

飲酒濡首亦不知節也

飲酒過多而不知節遂至被水濡其首也

傳四之三十四凡六十三
字註難乃旦切輅音路

易傳纂言卷四

謹案卷三第十八頁後八行氣之行在山腹之內

刊本腹訛曉據下文改


第二十九頁前三行則不以下之弱而撓也刊本

下訛上今改

卷四第二十五頁前一行苦節貞凶刊本苦訛甘

據下經改





總校官庶吉士 臣 張能照

校對官檢討 臣 郭 寅

謄錄監生 臣 費恩綸